

六
典
通
考

六典通考卷四

湖西閣鎮珩輯

設官考

冬官沿革

大司空古官天文危東六星兩兩而比曰司空主水少昊鳩氏爲司空舜攝帝位以禹爲司空契元孫之子曰冥亦爲夏司空殷湯以咎單爲司空周成王以毛公爲司空宋以武公之諱改司空爲司城楚改司空爲莫敖秦置御史大夫省司空漢初因之至成帝綏和元年始更名御史大夫曰大司空初改爲司空議者又以縣道官有獄司空故復加爲大司空亦以別小大之文金印紫綬祿比丞相哀帝建平二年復

爲御史大夫元壽二年復爲大司空後漢初爲大司空建武二十七年去大爲司空公獻帝建安十三年又罷司空置御史大夫都慮免不復置魏初又置司空冠綬及郊廟之服與太尉同宋制進賢三梁冠佩山元玉掌治水土祠祀掌埽除樂器大喪掌將校復土厯代皆有之後周爲冬官謂之大司空卿隋及唐復爲三公宋仍唐制政和二年罷趙金元亦爲三公元又有大司空明無是官

大司空今工部尙書漢成帝初置尙書有民曹主凡吏民上書後漢光武改民曹主繕修功作鹽池園苑魏置左民尙書亦領其職晉宋以來有起部尙書而不常置每營宗廟宮室則權置之事畢則省以其事分屬都官左民二尙書北齊起

部郎亦掌工造屬祠部尙書後周依周官置冬官大司空卿一人掌五材九範之法其屬工部中大夫二人承司之事掌百工之籍而理其禁令隋開皇三年始置工部尙書統工部屯田二曹蓋因後周工部之名兼前代起部之職唐龍朔二年改工部尙書爲司平太常伯咸亨元年復舊武后改工部爲冬官神龍初復舊總判工部屯田虞部水部事宋制工部判部事一人以兩制以上充凡城池土木工役皆隸三司修造本曹無所掌元豐官制行尙書工部掌天下城池宮室舟車器械符印錢寶之事百工山澤溝洫屯田之政令是時尙書猶未除入紹興三年并少府監歸工部以文思院屬焉建炎并省將作少府軍器監並歸工部隆興以後各分職掌分

案六曰工作營造材料兵匠檢法知雜舊又專立一案以御前軍器案爲名遼北面以宣徽北南二院掌御前祇應之事視工部南面工部尙書同吏部金工部尙書一員正三品掌修造營建法物諸作工匠屯田山林川澤之禁江河隄岸道路橋梁等事元工部尙書二員正三品掌天下營造百工之政令中統元年右三部置尙書二員至元元年始分立工部尙書明初設工部尙書其屬四曰營部虞部水部屯部洪武二十九年改營部爲營繕虞部爲虞衡水部爲都水屯部爲屯田俱稱清吏司永樂辛丑改立北京工部尙書後又改置沙魚口清縣尙書侍郎等官嘉靖六年裁革

小司空中大夫後周依焉隋煬帝初置工部侍郎唐因之龍

朔二年改爲司平少常伯咸亨元年復舊他時曹名或改而
官不易掌興造工匠諸司公廨屋宇五行並紙筆墨等事宋
侍郎一人南渡初長貳互置隆興詔各置一員遼南面工部
侍郎同吏部金工部侍郎一員正四品元工部侍郎二員明
工部左右侍郎各一人易州廐侍郎一人

大司空之屬司水下大夫晉宋齊皆有起部郎中梁陳改置
起部侍郎後周置冬官小司空下大夫隋初爲工部侍郎煬
帝改起部郎唐武德三年改爲工部郎中龍朔中改司平大
夫咸亨復舊光宅神龍並隨曹改復又周禮司水上士後周
置小司空上士隋開皇六年置工部員外郎煬帝改起部承
務郎唐改爲工部員外郎龍朔中改司平員外郎咸亨光宅

神龍並隨曹改復宋郎中一人舊制凡製作營繕計置採伐材物按程式以示有司則郎中員外郎叅掌之建炎三年詔工部郎官兼虞部屯部郎官兼水部隆興元年詔工部屯田各一員兼領遼南面工部郎中員外郎並同吏部金工部郎中一員從五品員外郎一員從六品主事二員從七品元工部郎中員外郎各二員品秩同吏部主事五員明工部營繕清吏司郎中員外郎各一人主事二人掌經營興造之事嘉靖中間興大工添設郎官數倍營繕司尤盛郎官多至十餘員

匠師下大夫秦有將作少府掌治宮室漢景帝中元六年更名將作大匠後漢位次河南尹中元二年省以謁者領之章

帝建初元年復置初以任隗爲之掌修作宗廟路寢宮室陵
園木土之功并樹桐梓之類列于道側魏晉因之江左至宋
齊皆有事則置無事則省梁改爲大匠卿陳因之後魏亦有
之北齊有將作寺其官曰大匠後周有匠師中大夫掌城郭
宮室之制又有司木中大夫掌木工之政隋與北齊同開皇
二十年改寺爲監大匠爲大監初加置副監煬帝改太監少
令唐復舊爲匠龍朔二年改將作爲繕工監咸亨元年復舊
光宅元年改爲營繕監神龍元年復舊大匠一人少匠二人
天寶中改大匠爲大監少匠爲少監領左校右校甄官中校
四署宋將作監判監事一人以朝官以上充凡土木匠工之
政隸三司修造案本監但掌祠祀供省牲牌鎮石炷香焚版

築之事元豐正官名置監少監各一人丞主簿各一人掌宮
室城郭舟車營繕之事建炎初省併工部紹興三年復置金
將作監不設元將作院置院使七員又置同知同僉院判等
員中統二年立宮殿府專掌營繕至元十九年以其事屬大
都留守司將作所屬歸之明初置將作司卿少卿隸工部洪
武六年置營造提舉司二十五年改將作司爲營繕所置所
正所副各二人以諸匠之精藝者爲之

匠師中士漢置將作監丞二人後漢一人秩六百石魏晉因
之東晉以後有事則置無事則省梁天監七年置大匠丞一
人班第三陳因之後魏從五品北齊四人從第七品後周置
匠師上士一人隋將作丞二人唐四人從六品宋隆興初將

作監唯置丞一員餘官虛而不除元將作院有經歷都事等員明初置將作丞正五品後罷

考工之職秦及漢初有左右前後中五校令後唯置左右校令後漢因之掌左右工徒魏併左右校于材官晉左右校屬少府宋以後並有左校令丞別置材官校尉司馬北齊太府寺有左校署令丞後周有掌材上士隋左右校令丞屬將作掌營構工作之事唐因之又秦漢中校署令自後無唐置令丞各一人掌舟車雜兵仗廐牧唐又有中尙署令丞各一人屬少府監掌宮中營造雜作宋修內司掌宮城太廟繕修之事監官二人東西八作司掌京城內外繕修之事勾當官各三人作坊物料庫掌儲積財物以備給用監官三人金修內

司使從五品副使從六品掌宮中營造元立中尙監總領九司局其工部所屬有諸色人匠總管府掌百工之技藝又有尙工署令丞掌百工名數興造程式與其材物隸內正司明工部營繕司典經營興作之事工匠凡二等曰輪班曰住坐輪作者曰正工曰雜工

攻木之工輪輿弓廬匠車梓漢有東園主章令武帝更名木工如淳曰章謂木材也舊將作大匠主材更名章曹掾顏師古曰令所謂木鐘者蓋聲之轉耳東園主章掌材以供東園匠東園匠官名主作陵內器物屬少府後無聞唐有左校署令丞二人掌營構木作採材等事將作所屬有百工就谷庫谷斜谷太陰伊陽等監監各一人掌採伐林木以供修造宋

竹木務掌受諸路水運材租抽算商販竹以經營造勾當官一人
人事材場掌計度財物前期樸斫以經營造監官二人退
材場掌受京城內外退棄材木掄其長短曲直中度者以給
營造及薪爨監官一人遼金無考元修內司所屬有大木局
小木局提領管勾又有木場提領大使副使掌受給營造材
木明工部營繕司凡物料儲備曰神木廠大木廠以葺材木
曰臺基廠以貯薪藁皆以供修作之用

攻金之工築治梟橐段挑秦及漢郡國置鐵官長丞晉衛尉
屬官有冶令丞掌工徒鼓鑄江左省衛尉而冶令始隸少府
宋有東冶南冶各置令丞屬少府齊因之江南諸郡縣有鐵
者或置冶令或置冶丞多是吳所置梁陳有東西冶後魏無

聞北齊司冶令丞屬太府後周有冶工鐵工中士隋掌冶署令二人并管諸冶煬帝改屬少府唐于京師置冶署令丞各一人掌造鑄金銀銅鐵塗飾琉璃玉作等事宋少府所屬文思院掌造金銀犀玉工巧之物又有諸路鑄錢監監官各一人遼有鐵坊使副使五治太師等官金尙方署令丞掌造金銀器物元初立金玉局後改置總管府所屬有金銀提舉司又有鐵冶管勾所二處隸中政院明工部虞衡司掌諸冶飭其材審其模範付有司火器鑄于內府又漢有考工令作兵器成則付執金吾入武庫晉諸冶官庫各置督一人北齊諸冶皆有局丞後周始置軍器監唐初因之貞觀元年罷軍器太監置少監後省以其地隸少府監爲甲弩坊開元初復置

軍器使三年改使爲監更置少監一員丞二員主簿一員錄事一員及弩坊等署十一年悉罷之復隸少府爲甲弩坊十六年移其名于北都置軍器監天寶六年復于舊所置軍器監監一人領甲坊弩坊兩署丞主簿各一人宋軍器初領於三司官案無專職熙寧六年廢胄案乃案唐令置監元豐正名令案五所隸官屬四東西作坊掌造兵器旗幟戎帳行物監官二人作坊物料庫掌收鐵錫羽箭油漆置官與東西作坊同建炎併歸工部爲軍器所提點官二員提轄監造官各二員幹辦受給監門官各一員掌鳩工聚材製造戎器之政令紹興中改隸工部罷提舉官後復以中人典領工部侍郎黃中請復隸屬從之孝宗卽位改稱提舉免隸工部後改

隸步軍司尋復舊遼北面有五治官金承安二年設軍器監
泰和四年罷復併甲坊利器兩署爲軍器署置令丞直長隸
兵部至寧元年復爲軍器監軍器署利器署隸焉置監少監
丞直長掌修治戎器元初爲武備寺置卿少卿等員至元五
年始立軍器監後改爲武備監隸衛尉院又改監爲寺明製
造軍器等事屬軍器局及虞衡司隸工部錦衣衛又有管軍
匠司

攻皮之工函鮑韞章裘漢少府屬有胞人長丞隋置甲鎧署
唐更爲甲坊署令丞各一人又有右尙署令二人造甲胄
具及皮毛雜作宋軍器監所屬有皮角場掌收皮角筋革以
供作坊之用金初設甲坊署令丞直長後廢元有甲匠提舉

司大都留守司所屬有甸皮局管匠三十餘戶歲辦熟造紅甸羊皮明工部屬官有皮作局大使一人副使二入秩皆九品

設色之工畫績鍾筐幌漢有暴室丞主掖庭織作染練之事暴室者取暴曬爲名又考工令主織綵諸雜工唐有左尚署掌車輦緣扇膠漆畫績等作令丞各一人宋文思院隸工部有提轄官監官監門官等員掌綵繪裝鈿之飾凡儀物器仗權量與服供尙方給百司者于是出焉將作監屬有丹粉所掌燒變丹粉以供繪飾監官一金有文繡署令丞各一掌繡造御用服飾及燭籠花卉元立章佩監大都有畫局提領掌殿宇藻繪之事明初設文思院等衙門掌諸造作後裁革內

官有顏料局掌燒造銀硃等項大使一人

刮摩之工玉柳雕矢磬後漢尙方令掌上手工作御刀劍玩好器物及寶玉作器宦者蔡倫爲尙方令監作祕劍及諸器械莫不精工堅密爲後代法唐治署令掌琉璃玉作等事宋凡天子器玩后妃服飾雕文錯彩工巧之事分隸于文思院後苑造作所金文司署令丞各一掌造分印合傘浮圖金銀等物元將作院有玉局提舉司大都有減鐵局銷金局雕木局各提領明工部統文思院內監置銀作局各有大使副使埤埴之工陶瓴後漢將作大匠屬官有前後中甄官令晉少府領甄官署掌磚瓦之任宋齊有東西陶官民署督令各一人北齊太府寺統甄官署又別領石窟丞後周有陶工中士

一人掌爲尊彝簠簋等器隋甄官署屬太府供琢石陶土及作磚瓦瓶缶改屬將作又有右校署令丞二人掌管土作瓦泥并燒石灰厠溷等事宋密務掌陶土爲磚瓦以給營繕及餅缶之用監官三人金甄官署置令丞及直長掌剡石埏埴之事元工部有光熙門窑場提領又有大都四窑場提領大使副使營造琉璃磚瓦隸少府監明工部營繕司所轄有黑窯場琉璃廠以陶瓦器

周世禕曰周成王仰法前代訓迪厥官周官一篇第舉其綱未及其目周禮三百六十屬則其目也然猶是官有古重而後世輕者少昊名官首及厯正唐堯分職先命羲和至後世星術之屬降爲雜流矣有古設而後世廢者太皞

以還皆有五行之官若勾芒祝融蓐收元冥后土封爲上公祀爲貴神至後世不過司天一家畧寓其意其實官之廢久矣有猶是官而分合異者有虞伯夷典禮后夔典樂而兵刑並掌于皋陶至後世禮樂合爲一官而兵刑分爲二矣有猶是官而統屬異者殷之太宗太史太祝太士太卜皆屬于太宰其五官則有司士無宗伯至周則改司士爲宗伯而祝宗卜史屬之矣凡此設官不同總因世運爲升降耳

論曰天地不言而運四時四時積而歲功成故先王法象兩儀以立官萬物之權衡人事之矩矱盡在是焉蓋天無所不統六官之事皆受成于冢宰天道也地無所

不養司徒之職先養民而後教地道也天地之功交修
互治則又分象四時各立一官俾奉則而行之是以毛
髮絲粟之務罔不就緒荒遠窮僻之人無勿得所自秦
變古罷六官而漢始設尙書五曹光武增之爲六其職
猶卑魏晉而下或五或六進退無恆及隋定爲六部更
今千有餘載莫能易焉明抑丞相之權分授于六部而
吏部尤爲崇重蓋周人所謂大冢宰者庶幾近之明初
學士之秩特以備顧問其後參贊機密遂當鈞軸之任
固非太祖初意也夫古今之變不同因革之道各異自
魏晉至唐尙書與門下中書並爲三省兼總宰相之權
宋又益以樞密兩制明之中葉六部之權轉歸內閣綜

是數者莫不有利有弊要而論之惟以得人爲本故法
古不必是變古不必非得人以行其權則人事渙而萬
物靡不理矣

後周冬官府官屬

天地等五官
名目分見前

正六命小司空上大夫 正五命工部匠師司木司土司金
司水中大夫 正四命小匠師小司木小司土小司金小司
水司玉司皮司色司織司卉下大夫 正三命工部小匠師
內匠外匠掌材小司木小司土小司金鍛工函工小司水典
壅水司玉小司皮小司色小司織小司卉上士 正二命工
部內匠外匠司量司準司度掌材車工角工彝工器工弓工
箭工盧工復工陶工塗工典冶工鑄工鍛工函工雕工典

掌津舟工典魚典鼈瑠工磬工石工裘工履工鞞工鞞工
韋工膠工鞞工績工漆工油工弁工織絲織綵織桌織組竹
工籍工罽工紙工中士 正一命工部旅司量司準司度掌
材車工角工彝工器工弓工箭工盧工復工陶工塗工典中
治工鑄工鍛工函工雕工典壅掌津舟工典魚典鼈瑠工磬
工石工裘工履工鞞工鞞工韋工膠工鞞工績工漆工油工
弁工織絲織綵織桌織組竹工籍工罽工紙工下士

宋元諸儒冬官補亡

王次點曰周官言司空掌邦土居四民時地利凡經言
田萊溝洫都邑涂巷者非邦土而何農工商賈市井里
室廬者非居民而何桑麻穀粟之所出山澤林麓之所

生非地利而何小宰言六官之屬各有六十今治官之屬六十有三教官之屬七十有九禮官之屬七十有一政官之屬六十有九刑官之屬六十有六意者秦火之餘簡篇脫落司空之屬錯雜五官之中其實未嘗亡也俞廷椿復古編以天官之屬獸人獻人鼈人獸醫司裘染人追師屨人掌皮典絲典枲改入冬官以地官之屬封人載師閭師縣師均人遂人遂師遂大夫土均草人稻人土訓山虞林衡川衡澤虞巾人角人羽人掌葛掌染草圉人場人改入冬官以春官之屬典瑞典同巾車司常冢人墓大夫改入冬官以夏官之屬弁師司弓矢禁人職方氏土方氏形方氏山師川師遽師改屬冬官

邱葵冬官補亡五十四人司空小司空載師封人量人均人
土苴草人稻人山虞林衡川衡澤虞巾人角人羽人掌葛掌
染草園人場人牧人牛人充人獸人獻人鼈人雞人犬人獸
醫司裘掌皮司服典絲典枲染人弁師追師屨人典瑞典同
巾車典路車僕司常司弓矢橐人冢人墓大夫職方氏土方
氏形方氏山師川師遂師

方等曰取土地之事財賦之則在司徒者五十有五在司
馬者八在司寇者十有三爲司空土地不可無治之之道也
故有載師閭師縣師均人治民無法不可以治地也故有遂
人遂師遂大夫縣正鄙師鄴長里宰鄰長旅師稍人委人土
均樹藝地之所宜先也故有草人焉有稻人焉有司稼焉地

圖方志王者所宜知也故有土訓誦訓山林川澤地之寶也故有澤虞有川衡金玉錫石角羽茶炭染草葛屨山澤之所產也故各有主之者以致其用苑囿場圃鳥獸草木所萃也故有迹人圉人場人穀粟土地所入守之宜有制也故有廩人倉人民者土地之本不可無恤也故有遺人以振其凶荒財用者生于地而取之有節故市有司廛有人肆有長賈有師泉有府質人胥師司門司關職方土方懷方令方彤方山師川師邈師所以辨土地而致稱異也故自司馬而歸焉達道路除不蠲有野廬氏蜡氏掌害稼者有雍氏掌水禁有萍氏除毒蠱猛鳥獸蠱物鼃鼃有冥氏庶氏穴氏翬氏翬簠氏翬氏赤友氏蠋氏壺涿氏庭氏攻禾殺草有柞氏薙氏亦皆

司空之事也

方苞曰司空之篇亡自漢以後無異議而晚宋元明諸儒乃分割五官以爲事典是之謂不知而作也夫五官之事皆基于事典故洪範之述官政首司空而後及其餘而是經所謂辨方正位體國經野正司空之職也尙書周官所謂居四民時地利則體國經野之實用也卽是以求之則事典之本體昭昭然可見而羣儒之迷謬不足辨矣蓋惟司徒司馬與司空聯事而事各異方雖若有連而不相及也鄉師之職大役則帥民徒而至治其政令旣役則受州里之役要以敎司空之辟蓋任役事者地官之民徒而興事任力則有司空之辟今其所謂辟者安在哉大司馬之

職大役與慮事屬其植受其要蓋聚大眾故以司馬之法
治植要習軍中之壕壘然司馬曰與慮事則主其事者非
司空而誰哉川澮溝洫之積數遂人掌之量人量之司險
設之而規五溝五涂之深廣相因山通川之地勢要箱道
路以立關梁時式險易以傳眾力溝或以水敵防或以水
濬則司空之法也王畿侯國之封疆都鄙之室數大司徒
制之大司馬正之量人量之職方氏辨之土方氏相之形
方氏正其華離遵師辨其名物而鄉遂郊關以封域而別
其遠近農士工商以作業而異其遊居城郭渠落以嚮山
經水而審其面勢則土深以求泉順地防以行水春築隄
防冬繕城郭則司空之法也其在他職則事更無聯焉者

社稷宗廟之位四郊四望四類以及山川坵陵墳衍之兆
小宗伯授之會同之壇司儀令之而正方攻位量功命事
小宗伯司儀不與也王內之宮寢宮中之官府次舍司空
作焉而後內宰書其版圖之數宮正宮伯比其官吏人民
士庶子之居朝市既成而後小司寇朝士太僕掌其政司
市布其令倉府廩廩既成而後太府玉府內府外府倉人
廩人校人廩人倣其守車旗兵甲既成而後巾車典路司
常司甲司兵司戈盾司弓矢辨其用其他禮樂兵祭之器
守藏服御之物莫不皆然惟天官之染人追師屨人夏官
之藥人疑可爲事官之屬然王后世子之飲食衣服皆隸
天官而聽于冢宰聖人有深慮焉兵器之用弓矢爲多故

六官沿革表

周 兩漢 魏 晉 南朝 北朝 隋 唐 宋

金速

元明

西漢書史記
大冢宰侍御史書
卿一人漢改爲

西漢書
侍御史
僕改爲
吏部
後爲選
部尚書

書吏

宋齊梁後魏北史
陳隋晉齊皆史書

部尙書
後周大
冢宰唐

吏部尚吏部尚並吏
書龍朔書從二尚書
二年改品

吏部尚書部
齊三人書一人
從一品

從一

司列太

紫伯光

宅元年

收天官

尚書

復舊

大司徒府置左民卿
惠帝置宋齊左後魏北改度支
改民部戶部
尚書並戶部
戶部尚書戶部尚書
卿一人
尚書
書三人
書一人

人三曰
民卿後
漢亦曰
民卿

右民卿民卿
齊東晉梁陳左尚書後
復為左戶尚書
周大司徒卿
徒卿

太常伯
光宅元
年改帝
官內書
書後
龍初二
禮部尚書
並禮部
禮部尚書
禮部尚書
禮部尚書
禮部尚書

大宗伯成帝
卿一人
尚書各
曹後漢
尚書吏
曹兼禮
記

始置祠並祠部
後魏魏改禮部
龍初二
禮部尚書
並禮部
禮部尚書
禮部尚書
禮部尚書
禮部尚書

伯光宅
元年改
禮部尚書
並禮部
禮部尚書
禮部尚書
禮部尚書
禮部尚書

伯光宅
元年改
禮部尚書
並禮部
禮部尚書
禮部尚書
禮部尚書
禮部尚書

大司馬漢無
卿一人

始置五太康中並五兵
後魏北改兵部
龍初二
兵部尚書
並兵部
兵部尚書
兵部尚書
兵部尚書
兵部尚書

伯光宅
元年改
兵部尚書
並兵部
兵部尚書
兵部尚書
兵部尚書
兵部尚書

伯光宅
元年改
兵部尚書
並兵部
兵部尚書
兵部尚書
兵部尚書
兵部尚書

尚書東
晉復為
五兵

後周大
司馬卿

伯光宅
元年改
兵部尚書
並兵部
兵部尚書
兵部尚書
兵部尚書
兵部尚書

大司寇成帝置建國卿一人三公曹主斷獄後漢二千石曹主中都官罪法

置三公宋始置後魏北改刑部魏明二刑部尚並刑部刑部尚刑部尚卿一人三公曹主斷獄後漢二千石曹主中都官罪法

有事則並起部後魏開收工部龍朔二工部尚並工部工部尚工部尚卿一人尚書三

大司空漢五曹卿一人尚書三北齊起尚書年改司書尚書書三人書一人

後漢以民曹兼主工作工造後周大司空卿伯光宅元年改冬官尚書後復為工部尚書

置起部尚書部亦掌工造後周大司空卿伯光宅元年改冬官尚書後復為工部尚書

置三公宋始置後魏北改刑部魏明二刑部尚並刑部刑部尚卿一人三公曹主斷獄後漢二千石曹主中都官罪法

三公沿革表

周 兩漢魏 晉 南朝北朝 隋 唐 宋 金 遼 元 明

爲司空

保

太保少

立太保

公

保

少保

記曰坐而論道謂之三公自虞夏商皆設四輔及三公所謂師保疑丞是也其在天文魁下六星兩兩而比曰三台三公象之昔在黃帝以風后配上台天老配中台五聖配下台舜之于堯伊尹之于湯周公召公之于成王皆居是位傳曰三公者何天子之相也陝以東周公主之陝以西召公主之一相處乎內蓋天子無爵三公無官參職天子何官之有周書曰立太師太傅太保茲惟三公少師少傅少保曰三孤則三太周之三公也故不以一職爲官名焉漢夏侯陽尚書謂司馬主天司徒主人司空主土其說與周制異周禮建外朝之法左九棘孤卿大夫位焉右九

棘公侯伯子男位焉面三槐三公位焉春秋九命作伯尊
公曰宰言其於海內無不宰統焉秦漢之際並無其官至
高后惟置太傅哀帝始立大司馬大司徒大司空爲三公
平帝元始元年初置師傅保之官位在三公上崇號曰上
公王莽居攝置四輔官後漢惟以太傅一人謂之上公又
有太尉司徒司空而無師保太尉公主天司徒公主主人司
空主地而分部九卿蓋多以九卿爲之若天地災變則皆
策免自太尉徐防始焉漢制三公不與盜賊若領兵入見
皆交戟又頸而前朝臣見三公皆拜天子御座卽起在輿
爲下凡拜公天子臨軒六百石以上悉會直事卿贊拜御
史授印綬公三讓然後受至安帝時三府任薄選舉誅賞

一由尚書其災眚變咎則責免公台靈帝臨朝遣使者就長安拜張溫爲太尉三公在外自溫始也獻帝建安十五年罷三公官魏初復置然皆不與朝政是時司空崔林封安陽亭侯三公封侯自林始黃初二年分三公戶邑封子弟各一人爲列侯末年增置太保晉武帝卽位以安平王孚爲太宰鄭冲爲太傅王祥爲太保義陽王子初爲太尉何曾爲司徒荀顗爲司空石苞爲大司馬陳騫爲大將軍凡八公同時並置所謂八公同辰攀雲附翼者也遂以太傅太保爲上公無其人則闕其太尉司徒司空自漢歷魏皆爲三公晉及江左相承不易前代三公策拜皆設小會自魏末廢而不行至晉拜石鑒爲左光祿大夫開府領司

徒始有詔令會遂以爲常宋亦有八公齊時三公惟有大
傅梁有丞相太宰太傅太保大司馬太將軍太尉司徒司
空開國儀同三司等官陳以丞相太宰太傅太保大司馬
大將軍並爲贈官三公之制開黃閣廳事置鴈尾後魏以
太師太傅太保名三師謂之上公大司馬大將軍謂之二
大大尉司徒司空謂之三公北齊皆有三師二大三公之
官其府三門當中門黃閣設內屏三師二大置佐史同太
尉府後周置六卿改三師官曰三公又置三孤以司徒爲
地官大司馬爲夏官司空爲冬官如周制焉無復太尉三
師之號宣帝置四輔官隋置三師不主事但與天子坐而
論道置大尉司徒司空爲三公參議大事依北齊置府寮

無其人則闕祭祀則太尉亞獻司徒奉俎司空行埽除其位多曠攝行事尋省府寮佐置公則坐于尙書都省朝之眾務總歸臺閣矣煬帝廢三師官唐復置三師以師範一人儀型四海置三公無人則闕天寶以前三師官雖有其位而無人五代時多以畀藩鎮及贈官宋承唐制太師太傅太保爲三師太尉司徒司空爲三公爲宰相親王使相加官其特拜者不預政事太尉舊在三司下由唐至宋加重以太尉居太傅上若宰臣官至僕射致仕者以在位久近或已任司空司徒則拜太尉太傅等官若太師則爲異數自趙普以開國元勳文彥博以累朝耆德方特拜焉雖太傅王旦司徒呂夷簡各任宰相二十年止以太尉致仕

政和二年九月詔以太師太傅太保古三公之官今爲三師古無此稱合依三代爲三公爲真相之任司徒司空周六卿之官太尉秦主兵之任皆非三公並宜罷之仍考周制立三孤少師少傅少保亦稱三少爲次相之任遼北面于越府有大于越無職掌班百僚上非有大軍功者不授高麗置三師府太師太傅太保少師少傅少保又有三公唐太尉司徒司空公師府有掌印官一人金三師太師太傅太保正一品師範一人儀刑四海三公太尉司徒司空正一品元三公太師太傅太保各一員太祖十二年以國王置太師一員太宗建三公其拜置歲月皆不可考世祖僅置太保一員至成宗武宗以後三公並建無虛位又有

大司徒大司空太尉之屬或開府或不開府東宮置置三師三少亦不恆有也時馬祖常上言司徒司空皆古三公人臣之極位近歲沈宗攝汪元昌輩亦受司空司徒恐貽天下口實非便仁宗延祐五年監察御史言比年名爵濫冒太尉司徒國公接迹于朝近禮部奉旨鑄太尉司徒司空等印二十有九載在史冊貽笑將來請自今闕闕貴重勲業昭著存畱一二餘並革去制可明初設三公府李善長徐達以丞相兼太師太傅常遇春以上公贈太保三孤無兼領者太祖建五等爵以贈勲臣及文武之死綬者而公孤絕不以爲贈太宗罷公孤官仁宗復設太師太傅太保曰三公少師少傅少保曰三孤無定員專授爲勲戚文

武大臣兼官加官贈官文官惟贈三公其贈三孤則自姚
廣孝等始宣宗寵夏原吉欲爵之而不果特崇以太師蹇
義固之文臣贈三公自原吉始黔公沐斌薨特優以太師
贈臣贈三公自黔公斌始周太保尚文邱都督懋一崇以
太傅一崇以少師武弁贈公孤自尚文懋始少詹鄒濟贊
善王汝玉爲仁廟舊官臣故卽位贈以太子少保文臣贈
東宮大僚自濟汝玉始王一寧以閣臣得太子太師三品
贈爵三太自一寧始

九卿沿革表

周 兩漢 魏 晉 南朝北朝 隋 唐 宋 遼金元 明

少師少太常丞黃初元太常
傳少保官惠帝年改爲

朱齊因後魏爲太常寺龍朔二祥符中
舊梁大上卿臣楊帝置年改爲別建禮太常寺儀院
書爲大

馬三孤改爲泰年改爲

常爲春少卿北少卿二奉常光祿院天卿少卿

宅元年聖中太金皇統

大卿合

更名太

卿視光齊曰太人

改爲司常寺兼三年始

都察院

建中

祿大夫常寺後

禮後復視院事置太常

爲七卿

復爲奉

陳因之同入宗

爲太常中興太寺

加通政

常

伯卿

常兼宗

司大理

泰郡中黃初元哀帝興

宋齊因後魏置開皇三龍朔二初判寺總改爲光祿寺

先祿寺

令武帝年復爲隋元年

舊梁除光祿卿年廢寺年改爲事一人崇祿寺兼宣徽

寺

更名光祿勳省光祿勳字謂北齊曰入司農司尉光元豐中金不殿院

勳孝武之光祿光祿寺尋復舊宅元年置卿少

卿

漢建安

甯康元卿陳同後周開陽帝加改司膳卿

卿

末復爲

置二少卿後復

卿

陳中令

爲光祿

寺

冢率司衛尉秦與漢同江左不

宋孝武後魏因開皇三龍朔二三元豐中道無金至元二廢衛尉

置

衛尉府三官

徒宗伯官景帝

復置梁舊北齊年廢寺年改爲置卿少改爲衛

衛尉院

衛尉院

司馬司更名中

衛尉卿曰衛尉入太常司尉光則中興尉司

衛尉院

衛尉院

冠爲大夫令

視侍中寺

改爲司工部

寺曰宗

正卿

陳因之

衛後復

年罷

復爲衛

衛後復

衛後復

年罷

財院漢
高尉卿

一人

太僕周與漢同元帝省
官漢因
之王莽
改爲太
御後漢
復爲太

太僕

廣

大理古黃初元廷尉
官奏爲年改爲
廷尉漢廷尉

因之
帝改爲
大理武
帝復爲
廷尉後

漢建安
中復爲
大理

爲衛尉
寺

宋齊不後魏兼場帝加
常置兼置少卿置少卿
太僕卿北齊曰
視黃門太僕寺
侍郎陳後周依
因之周官

侍郎陳後周依

宋齊因後魏廷場帝加
舊梁初尉北齊置二少
廷曰大大理寺卿
理天監後周刑
元年復部中大
爲廷尉夫
陳因之

理天監後周刑

爲太僕
卿

龍朔改太僕寺遷南面至大四
司取光中與舊太僕寺年定太名官
宅改司并入兵金亦有僕寺卿其舊
僕後復部
之

利後復
爲大理
寺

同宋制升爲都
金天德廢府至
二年置大四年
大理寺置太監
少監

太常寺
太僕寺
鴻臚寺

宗正丞宗正卿咸寧三宋齊不後魏北宗正卿龍朔改宗正寺遷北面大宗正

官漢因年宗置梁天齊宗正師東晉監七年卿少卿省并入復置陳後周宗

之平帝更名宗正後漢太常因之師中大復為宗人陸親府

宗正卿人夫正卿為司宗太宗正大楊隱府至元光宅改司中興司南面二年置

參典客大鴻臚宋齊同後魏大文帝廢龍朔改鴻臚寺遷南面無事權置除大字齊鴻臚煬帝加光宅改卿少卿金不價

令漢改為鴻臚建中六年改大行令太初復為大鴻臚復漢卿一人

省卿事舉則曰鴻臚寺後周置二少司漢後中興不復為鴻臚

天夫卿善部中卿卿寺

少府卿哀帝省宋齊少後魏改煬帝加龍朔改太府寺遷南面太府監

官漢因并丹陽府陶梁少府為置少卿為外府元豐置太府監太卿太

之為九尹考武置太府太府北二人又光宅改卿少卿金太府監少監

卿後漢卿而少齊曰太分太府司府後建炎罷監置

少府卿府為夏府寺後為少府復為太紹興復少監

少府卿

少府卿

少府卿

一人

卿廣因周太府監
之中大夫

府寺亦置
有少府監

秦治粟黃初元哀帝省宋齊同後魏大司農寺龍朔二司農寺總南面至元七明初設

為史漢年改大并都水晉梁司農北場帝加年改為建炎三司農寺年置太司農司

景帝改司農置孝武後農卿位齊司農置二少司稗光年罷紹金興定司農司後并歸

為大農置司農卿寺後周卿宅初復興復舊二年改後改為戶部

今武帝常司農後司農卿寺後周卿宅初復興復舊二年改後改為戶部

更名大司農後司農卿寺後周卿宅初復興復舊二年改後改為戶部

司農後司農卿寺後周卿宅初復興復舊二年改後改為戶部

中改後司農卿寺後周卿宅初復興復舊二年改後改為戶部

大農置司農卿寺後周卿宅初復興復舊二年改後改為戶部

記曰外有九宮九卿朝焉九卿之名肇于夏后氏王制天

子九卿鄭康成以為夏制是也伊尹對成湯亦稱九卿通

寒暑周以三孤卿並六官正卿謂之九卿故周禮列九棘

之班位焉自秦變三代之制漢因之以太常光祿勳衛尉

太僕廷尉大鴻臚宗正大司農少府爲九寺大卿後漢以太常光祿勳衛尉三卿屬太尉太僕廷尉大鴻臚三卿屬司徒宗正大司農少府屬司空多進爲三公各有署曹掾史九卿有疾使者臨問加賜錢布魏九卿與漢同晉以太常等九卿兼將作大匠太后三卿大長秋皆爲列卿各置丞功曹主簿五官等員太康四年增九卿禮秩宋齊及梁初皆因舊制梁武帝天監七年以太常卿加置宗正卿以大司農爲司農卿三卿爲春卿加置太府卿以少府爲少府卿加置太僕卿三卿爲夏卿以衛尉爲衛尉卿廷尉爲廷尉卿將作大匠爲大匠卿三卿爲秋卿以光祿勳爲光祿卿大鴻臚爲鴻臚卿都水使者爲大舟卿三卿爲冬卿

凡十二卿皆置丞及功曹主簿後魏又以太常光祿勳衛尉爲三卿太僕廷尉大鴻臚宗正大司農少府爲六卿各有少卿北齊以太常光祿衛尉宗正太僕大理鴻臚司農太府爲九寺置卿少卿丞各一人隋九寺與北齊同煬帝降光祿以下八寺卿階品而少卿各加置二人唐九寺與北齊同卿各一人少卿各二人龍朔二年改九寺名卿皆加正後各復舊自漢以來九卿皆數少府北齊及隋則不數後漢省衛尉東晉及宋齊省太僕齊宋以前無太府宋初雖有九卿皆以爲命官品秩而無職事元豐正名始有職掌中興併省冗職除太常寺大理寺不置外宗正以太常兼而衛尉太僕併兵部太府司農併戶部光祿鴻臚併

禮部紹興復置宗正太府司農餘遂廢遼金元三代大抵沿唐宋舊制諸卿所居曰寺曰監曰院曰司遼無衛尉而設衛最悉金省光祿太僕鴻臚三卿元罷鴻臚少府並其職於他官又改衛尉寺爲衛尉院旋遂廢罷明初以六部尙書任天下事侍郎貳之其糾劾則責之都察院章奏則達之通政司平反則參之大理寺亦謂之九卿而都察院權尤重與六部埒又謂之七卿論者以爲得周漢遺意至司農衛尉少府明既不設又改宗正寺曰宗人府雖存九卿之名而官多非其舊云

杜佑曰三代以上分置六卿至秦及漢雖事不師古猶制度未繁後漢有三公九卿而尙書之任又益重矣魏晉以

降職制日增後周依周禮制六官而年代短促人情相習
已久不能革其視聽故隋氏復廢六官多依北齊之制官
職重設庶務煩滯加六尚書似周之六卿又更別立寺監
則戶部與太府分地官司徒職事禮部與太常分春官宗
伯職事刑部與大理分秋官司寇職事工部與將作分冬
官司司空職事其餘百司之任多類於斯欲求理要實在簡
省

廿二史攷異漢以太常光祿勳等爲九卿而官名無卿字
魏晉宋齊並因漢制梁武帝增置十二卿始于官名下繫
以卿字今晉書諸傳間有稱某卿者如王覽傳以覽爲宗
正卿何遵傳遷太僕卿衛瓘傳轉廷尉卿司馬允之傳追

贈太常卿山濤傳除太常卿何攀傳廷尉卿諸葛沖摯虞
傳父模魏太僕卿虞爲衛尉卿太常卿周浚傳父斐少府
卿卞敦傳父浚歷位廷尉卿謝安傳父哀太常卿孫綽傳
廷尉卿皆唐初史臣不諳官制率意增加非當時本稱

六典通考卷五

湖西閻鎮珩輯

設官考

邦國之官

生人之初未有君長嗜慾旣啟爭亂斯萌乃就其能斷曲直者而聽命焉德大者爲之天子功高者爲之諸侯其餘各量賢能所宜授以卿大夫士自黃帝畫埜分州置左右大監監於萬國唐虞之世有九牧百辟遣吏治國或出自天子孟子論象封有庠之事是也夏書曰道人以木鐸徇于路官師相規工執藝事以諫其或不恭邦有常刑又曰嗇夫馳庶人走義和尸厥官若罔聞知

是時太康失德諸侯離叛有窮之后曰羿因夏民以代政棄其良臣武羅伯姻熊髡龍圉而信寒浞浞伯明氏之讒子殺羿桃林而取其室生豷及豷實滅斟灌斟尋封豷于過封豷于戈恃其武力不恤民事夏有貴臣曰靡因有鬲氏收斟尋而滅過戈遂輔后相復禹舊業其後桀爲不道韋顧昆吾相輔作奸謂之三孽伊尹有莘氏之媵臣也佐湯伐夏九有咸歸于是建國三千立官五等諸侯之上大夫曰卿下大夫上士中士下士大國三卿皆命於天子下大夫五人上士二十七人次國三卿二卿命於天子一卿命於其君下大夫五人上士二十七人小國二卿皆命於其君下大夫五人上士二十

七人命於天子者天子選用之如今詔書除吏是矣小國亦三卿一卿命於天子二卿命於其君此文似誤脫耳或者欲見次國之上卿位當大國之中中當其

下下當其上大夫小國之上卿位當大國之下卿中當

其上大夫下當其下大夫

此諸侯使卿大夫類聘並會之序也其爵位同小國在下

爵異固其有中士下士者數各居其上之三分

謂其為介若特

行而並會也居猶當也此據大國而言大國之士為上
次國之士為中小國之士為下士之數國皆二十七人
各三分之上九中九下九以位相當則次國之上士當
大國之中中當其下小國之上士當大國之下凡非命
士亦無出會之事春秋傳謂士為微天子使其大夫為三監監於方伯之

國國三人

孔穎達曰殷之方伯皆有三人輔之監所領之諸侯周則於牧下置二伯亦或因殷使大

夫為三監故燕禮云設諸公之坐鄭云公孤也大國孤
公一人而云諸公者容牧有三監然則天子於州牧之
國別置三大夫以輔之其祿視諸侯之卿其爵視次國
之君尚書使管叔蔡叔霍叔為三監為武庚也與此別

猶黃帝四監之遺制也周初古公肇邑于岐作五官有司民皆歌樂之鄭元以五官爲殷之制左氏亦云職官五正封于夏墟五正卽五官也大雅綿之詩曰乃召司徒乃召司空孔穎達說以爲周自后稷封邰爲上公至太王爲殷大邦宜備三卿司徒司空並卿官也不言司馬者以營國之功職無與焉當文武未伐紂以前有司徒司馬司空亞旅師氏見于牧誓常伯常任準夫牧人見于立政又有虎賁綴衣趨馬小尹左右攜僕百司庶府大都小伯藝人表臣太史尹伯庶常吉士千夫長百夫長皆官名之徵著者也

豕卿三老三吏見逸周書

及周公相成王

裁定官制其屬三百有六十大抵在王朝畿內于侯國

無與也惟秋官大行人及春官典命稍著其交際之禮
與其命數而職事則無聞焉春秋距成周數百年矣列
國官制附見左史猶得什一於千百雖或羣后僭竊妄
有增改然規模不甚相遠也王制大國之卿命於天子
大夫以下皆其君自命案宣十六年晉侯請王命士會
爲太傅是卿命於天子之證也鞏朔晉上軍大夫而王
謂其未有職事於王室是大夫不命於天子之證也周
制諸侯兼官司徒兼冢宰司馬兼宗伯司空兼司寇故
左傳季孫爲司徒叔孫爲司馬孟孫爲司空而魯復有
羽父爲太宰夏父弗忌爲宗伯則當時僭擬非周制矣
左氏紀晉事職官雜見孔氏爲疏證明之如御戎當周

戎僕司士當周司右騶當趣馬公族當諸子公路當巾
車本末燦然可攷其名或出天子或列國自命不可得
而知矣至陳宋均立太宰以其爲三恪之後而吳楚亦
有之則僭王耳秦始罷侯置守盪滅古制自漢及明封
建或行或否然親藩之署時有輔佐之哲綜攷其同區
別其異原出周禮因時變更亦論古者所不遺也

太宰之職掌建邦之六典以佐王治邦國一曰治典以經邦

國二曰教典以安邦國三曰禮典以和邦國四曰政典以平

邦國五曰刑典以詰邦國六曰事典以富邦國

大曰邦小曰國邦亦曰國

典常也經也法也王謂之禮經常所秉以治天下也邦國官府謂之禮法常所守以爲法式也常者其上下通名詰猶禁也書曰度作詳以九兩繫邦國之民一曰牧以地得民二曰刑以詰四方

長以貴得民三曰師以賢得民四曰儒以道得民五曰宗以

族得民六曰主以利得民七曰吏以治得民八曰友以任得

民九曰數以富得民

兩猶耦也所以協耦萬民繫聯綴也牧

侯也一邦之貴民所仰也師諸侯師氏有德行以教民者儒諸侯保氏有六藝以教民者宗繼別爲大宗收族者鄭司農云主謂公卿大夫世世食采不絕民稅薄利之元謂利讀如上思利民之利謂以政教利之吏小吏在鄉邑者友謂同井相扶持則百姓親睦數亦虞掌其政令爲之厲禁使其地民守其村物以時入于王府鄭伯謙曰或問九兩曰牧曰長其餘於萬民富謂數中村物

吏皆助君分理其得民宜已至如師儒宗族朋友及山林藪

澤之豪豈嘗有位於朝有祿於國而均之曰得民何也曰此

先王防患之深意也夫王畿之外公侯伯子男皆牧伯也王

畿之內鄉遂都鄙其官皆長吏也卿有邦縣公有邦都其人

皆主也牧伯有分地公卿有采地長與吏無地而食其祿專其政則民亦有以悅其治夫蚩蚩之民聚必以類分必以羣不爲兩則渙散四出勢不可合是以牧長主吏先王各使之繫其民而聽其兩不可縱也聽其兩而縱其民他日有懷詐怵邪傾側擾攘者出於其閒則逆節之萌將何以制之先王於是有師儒朋友宗族豪富之兩參互於其閒昔者孔孟布衣匹夫而衣冠禮樂師表一世門弟子不遠千里而從之雖饑寒流落濱死不去此師以道得民也庚桑子居畏壘人相與尸而祝之社而稷之陽城居於晉之鄆薰其德而善良者幾千人此儒以道得民也商之七族宋戴武莊齊諸田楚懷屈率以強宗大族繫屬人心若漢郭解之遊俠輕財重義出

萬死一生以救人之急則民心爭慕恐後蜀卓氏孔氏程鄭
刁閒之徒占山林藪澤之利富比封君隱民間取食焉此三
者以族以任以富而得民也後世王制不明徒爲之牧長主
吏而所謂朋友富豪大族未嘗過而問焉至州縣守令大抵
以辦財賦爲職而得民之道無一人經意故秦漢以來番令
吳芮南海尉佗得江湖嶺海之人心遂王其地魏其武安招
致賓客傾動天下吳王濞擅山海之利賦不及民拊循招納
而山東七國之變相挺矣由不知九兩繫民之說而失先王
防患之意也

論曰天下之情近易給而遠難周王畿雖曰千里然鄉
遂之小吏得以其情進言于天子而天子又自以歲時

臨問之故民與國常爲一體無待乎立法以相繫也至于九服以外遠者乃數千萬里其情睽而難通其勢渙而易離建之牧樹之長董之以師儒馭之以政教固宜民之尊且信矣然而相生相養之道猶或有未盡焉是故饒之以藪澤之富聯之以宗子之恩拊之以慈愛之吏有無相通而任恤之風行緩急相助而親睦之誼篤民之朝夕與接于耳目者非其父兄族人卽其婚姻故舊雖有疾病札喪不以重累其心雖有饑饉兵革不忍輕去其鄉其視祖宗邱墓之所斯須不可或離夫然後能與國社共存亡而長爲不怨不叛之民焉後世人心旣偷里俗寢薄雖父子兄弟終日聚處而無綢繆渥洽

之意上之政教既不足以服其心下之生業又不足以
庇其身平居無事徒手惰遊蒲博飲酒以爲笑樂而其
心常不可測一遇水旱流移相率爲盜剽劫四起嗚呼
由秦漢以來上之所以繫其民與民之所以自繫其身
者有如周官九兩之法者乎無怪乎治世少而亂世多
也

乃施典於邦國而建其牧立其監設其參傳其伍陳其殷置
其輔乃者更申敕之以侯伯有功德者加命作州長謂之牧
所謂八命作牧者監謂公侯伯子男各監一國書曰王
啟監厥厥亂爲民參謂卿三人伍謂大夫五人鄭司農云殷治
律輔爲民之平也元謂殷源也王制諸侯上士二十七人其
中士下士各居其上之三崔靈恩曰諸侯三卿司徒兼冢宰
分輔府史庶人在官者也
司馬兼宗伯司空兼司寇五大夫者司徒之下立二人小宰

小司徒司馬之下立一人爲小司馬兼宗伯之職司空之下立二人小司寇小司空孔子世家定公九年孔子由司空爲大司寇蓋由小司空爲小司寇也而言大司寇者諸侯惟一司寇故亦稱大司寇 典命掌諸侯之五儀諸臣之五等之命五儀公侯伯子男之儀五等謂孤以下四命三命再命一命五命不命也或言儀或言命互文也故書儀作義鄭司農云義讀爲儀疏諸侯之下無一命以至五命則臣有五等通不命也公之孤四命以皮帛眡小國之君其卿三命其大夫再命其士一命其宮室車旗衣服禮儀各眡其命之數侯伯之卿大夫士亦如之子男之卿再命其大夫一命其士不命其宮室車旗衣服禮儀各眡其命之數視小國之君者列於卿大夫之位而禮如子男也鄭司農云九命上公得置孤卿一人春秋傳曰列國之卿當小國之君固周制也元謂王制曰大國三卿皆命於天子下大夫五人上士二十七人次國三卿二卿命於天子一卿命

於其君下大夫五人上士二十七人小國二卿皆命於其君
下大夫五人上士二十七人疏大司馬云大國三軍次國
二軍小國一軍軍將皆命卿謂得天子之命得爲軍將也宮
室之等四命者四百步貳車四乘旗四旂冕服四章三命以
下各以命數爲降殺但大夫左冕一命者一章裳上刺繡而
已衣無章故得左名也則冕亦象衣無旒其士服爵弁並無
章飾是以變冕言爵弁也諸侯之大夫一命亦無貳車
命已上卽有貳車士雖一命亦無貳車鄭鏐曰公之孤四
命比天子之大夫天子之大夫出封爲子男故得視子男之
君子男之卿再命比天子之中士大夫一命比天子之下士
士不命當亦比一命之士以爲之儀而減殺焉否則與庶人
未仕者等矣王氏詳說曰此經侯伯之卿大夫命數與公之卿大夫同與王制異蓋王制所言夏商之制大國無孤其卿不得與次國異至周則大國有孤次國無孤是以降於大國一等矣故卿大夫不嫌同也亦或記禮者據春秋傳而爲之說歟
司士凡邦國三歲則稽士任而進退其爵祿其

所掌

大行人以九儀辨諸侯之命等諸臣之爵

九儀謂命者五公侯

伯子男也爵者四
孤卿大夫士也

凡大國之孤執皮帛以繼小國之君出入

三積不問壹勞朝位當車前不交擯廟中無相以酒禮之其

他皆眡小國之君

鄭志趙商問大行人曰凡大夫之孤執皮帛所尊眾多下云其他眡小國之君以五

為節今此亦五下云諸侯之卿各下其君二等以下注云公使卿亦七侯伯亦五子男三不審大國孤五而卿七何答曰

卿奉君命七介孤尊更自特見故五介此有聘禮可參之未之思耶反怪此更張擯介又繼小國之君非私觀也商又問

大行人職曰孤出入三積此即小國同眡小國之君何須特云三積與例似錯答曰三積亦然非獨孤也故不在眡小國

之中與例似錯何所據也凡諸侯之卿其禮各下其君二等以下及其大

夫士皆如之

此亦以君命來聘者也所下其君者介於朝位賓主之間也其餘則自以其爵聘義日上公七

介侯伯五介子男三介是謂使卿之聘之數也朝

文獻通

考王制云殷時天下諸侯國千七百七十三內大國二百四

十九次國五百一小國一千二十三內大國次國則皆三卿五

下大夫二十七上士唯小國二卿其大夫與士如大國次國之數大凡列國卿大夫士有六萬一千三十二人

沈彤周禮外諸侯官數考上公六等自孤而下侯伯五等子男四等皆自卿而下其數公之孤一人卿三人下大夫五人上士二十七人中士下士各若干人侯伯之卿大夫士如之子男之卿大夫亦如之士則上二十七人下若干無中上公爲大國三鄉三遂卿鄉大夫三人下大夫州長十五人遂大夫三人凡十八人上士黨正七十五人縣正十五人凡九十人中士族師三百七十五人鄙師七十五人凡四百五十人下士閭胥千五百人鄼長三百七十五人凡千八百七十五人其野二百二十六縣千一百三十

鄙中士爲縣正下士爲鄙師各如縣鄙之數侯伯爲次國
二鄉二遂卿鄉大夫二人下大夫州長十人遂大夫二人
凡十二人上士黨正五十人縣正十人凡六十人中士族
師二百五十人鄙師五十人凡三百人下士閭胥千人鄩
長二百五十人凡千二百五十人其野侯百四十四縣七
百一十九鄙伯七十二縣三百六十一鄙皆中士爲縣正
下士爲鄙師各如其縣鄙之數子男爲小國一鄉一遂卿
鄉大夫一人下大夫州長五人遂大夫一人凡六人上士
黨正二十五人縣正五人凡三十人下士族師百二十五
人鄙師二十五人凡三百五十人其野子三十一縣百五
十五鄙上士爲縣正下士爲鄙師各如縣鄙之數男一鄙

下士爲鄩師如其數通計上公三千八百二十八人侯千
五百二十二伯二千有九十二人子四百有八人男二
百一十三人其他有爵官及婦官及在官庶人女給事之
在內外諸侯者數皆無考何以知上公一孤典命云公之
孤四命註以爲九命上公得置
卿一人也何以知子男無中士春秋公羊傳云古者上士
下士明中士非周官初制也公羊所云通指諸侯今獨歸
之子男何也曰惟子男不當有中士謂公侯伯亦無中士
傳之誤也王畿之鄉遂比長里宰以下士而大國次國乃
無爵何也曰降王畿一等也王制云諸侯之上大夫卿下
大夫上士中士下士凡五等是其國不設中大夫故州長
遂大夫知並以下大夫爲之遷降而下則下士適當閭閻
鄩長矣小國之閭閻鄩長何以知非下士也曰小國無中
大夫且無中士則下適當爲族師鄩師又降大國次國一
等也大國次國之野皆中士爲縣正下士爲鄩師何以知
之曰野在遂外降於遂一等遂之縣正鄩師以上中士則
野之縣正鄩師以中下士明矣小國之野上士爲縣正下
士爲鄩師不於遂嫌乎曰小國之野其鄩師亦掌五百家
政令義無不以下士者而中士本無則縣正亦不得以

上士
矣

周家外諸侯官數經無明文杜君卿通典馬貴與通攷
但標舉成數而未嘗分晰言之近吳江沈氏作祿田考
準王官之數以推見外官之數言之鑿鑿足補注家所
未備

大射禮小卿賓西東上

小卿命於其君者也席於賓西射禮辨貴賤也諸公大國有孤卿一人與

君論道亦不

燕禮小臣戒與者

曾子問太祝裨冕小宰舉

幣升

太祝以大大夫爲之幣是小宰所主故周禮小宰職云太凡祭祀贊幣玉爵喪荒受其含祔幣玉之事是也

宰太宗皆裨冕少師奉子以衰

太宰主敎令之官太宗主宗廟之官少師主養子之官

詩序簡兮刺不用賢也衛之賢者仕於伶官皆可以承王

事者也

箋伶官樂官也伶氏世掌樂官而善焉故後世多號樂官爲伶官疏周禮大司樂中大夫二人樂師下

大夫四人上士八人下士十六人此天子之官也諸侯禮亡其官屬不可得知燕禮注云樂正於天子為樂師則諸侯有樂正之屬平祭統曰尸飲酒以散爵獻士下言祭之未乃賜之一爵又非士也蓋為樂正之屬祭廟教國子皆在舞位則為舞人也周官司樂樂師其左手執籥右手秉翟赫如渥赭下無舞人此諸侯官有之

公言錫爵

傳祭有畀輝胞翟闕寺者惠下之道見惠不過一散疏祭統輝輝者甲吏之賤者炮者肉吏之賤者

翟者樂吏之賤者闕者守吏之賤者注云輝周禮作韡蓋謂磔皮革之官周禮韡人為鼓胞人為甲禮記是諸侯兼官故韡為甲吏也胞即周禮庖人其官次於韡人周禮韡人亡東庖人中士四人下士八人庖人於天子為士於諸侯非士

方未明刺無節也朝廷興居無節號令不時挈壺氏不能掌

其職焉

疏天子備官挈壺掌漏雞人告時諸侯兼官不立雞人故挈壺告也庭燎箋云王有雞人之官鄭意以

為唯王者有雞人諸侯則無魏詩美無度殊異乎公路美如英殊異乎公

行美如玉殊異乎公族

箋公路主君之旄車庶子之官也晉趙盾為旄車之族是也公行從公之

行者主君兵車之行列公族主君同姓昭穆也疏宣二年晉成公乃宦卿之適子以為公族又宦其餘子亦為餘子其

庶子爲公行趙盾請以括爲公族公許之冬趙盾別爲耗車之族是其事也服虔云耗車戎車之倖杜預云公行之官是也其公族則適子爲之掌君宗族公族公行諸侯之官故魏晉有之周禮六官無公族公行是天子諸侯異禮也

國語衛武公箴傲於國曰自卿以下至於師長士苟在朝者

無謂我老耄而舍我必恭恪於朝朝夕以交戒我在與有旅

賁之規規規諫也旅賁勇力之士掌執戈楯夾車而趨車止則持輪位亡有官師之典中庭

之左右謂之位門屏之間倚几有誦訓之諫誦訓工師所誦之諫書之於几

也居寢有瞽御之箴也臨事有瞽史之道事戎事也瞽樂太師掌詔吉凶

史太史也掌詔禮事宴居有師工之誦誦謂箴諫也誦謂箴諫也誦史不失書矇不失誦

以訓御之左傳諸侯有卿卿置側室側室支子之官大夫有貳宗

貳宗宗子之副貳者士有朋友庶人工商皂隸牧圉皆有親暱以相輔

助佐也善則賞之過則匡之患則救之失則革之自王以下

各有父兄子弟以補察其政史爲書

謂太史君舉則書

驚爲詩

驚言

詩以諷刺

工誦箴諫

工樂人誦箴諫之辭

大夫規誨士傳言

士卑不得徑達聞君過失傳告

大夫庶人謗商旅于市

旅陳也陳其貨物以示時所貴尚

百官獻藝

獻其技藝以喻政事

故夏書曰道人以木鐸徇于路

逸書道人行人之官也木鐸木舌金鈴徇于路求謠言

官師相規

官師大夫自相規箴

工執藝事以諫

獻藝

正月孟春於是乎

有之

叔孫卒杜洩將以路葬且盡卿禮南遺謂季孫曰叔

孫未乘路葬焉用之且冢卿無路介卿以葬不亦左乎

冢卿謂季

孫介次也左不便

季孫曰然使杜洩舍路不可曰夫子受命於朝而

聘於王王思舊勳而賜之路復命而致之君君不敢逆王命

而復賜之使二官書之吾子爲司徒實書名夫子爲司馬工

正書服孟孫爲司空以書勳今死而弗以是棄君命也書在

公府而弗以是廢三官也乃使以葬 晉人來討叔孫婼如

晉晉人執之晉人使與邾大夫坐叔孫曰列國之卿當小國

之君固周制也

在禮卿得會伯子男故曰當小國之君

邾又夷也寡君之命介

子服回在請使當之不敢廢周制故也乃不果坐 衛侯使

孫良夫來聘且尋盟公問諸臧宣叔曰中行伯之於晉也其

位在三孫子之於衛也位爲上卿將誰先對曰次國之上卿

位當大國之中中當其下下當其上大夫小國之上卿當大

國之下卿中當其上大夫下當其下大夫上下如是古之制

也

古制公爲大國侯伯衛在晉不得爲次國春秋時強弱爲

春秋時強弱爲大小故衛雖侯

衛侯爲小國

晉爲盟主其將先之

計等則二人位敵以盟主故先晉

徐自明曰春秋列國之卿藉口當小國之君每以臣敵君

偃然主盟會而不辭垂隴之盟三國之君在焉而士穀專之新城之盟七國之君在焉而趙盾專之棠林之師四國之君帥師會晉大夫而不以爲歉馴至眾大夫爲溴梁之盟以傲其上皆始事之驗也然後知先王正名定分防微之意深矣魯成公時晉荀庚位下卿衛孫良夫位上卿皆來盟臧宣叔言衛在晉不得爲次國而後衛晉衛皆侯爵而以強弱爲大小非也其時士大夫雖能言周禮而移於習俗巧爲附會左氏反以爲禮何哉

列國官制

魯 祝宗卜史

注大祝宗人大史凡四官

備物典策官司彝器命以伯

禽而封於少皞之虛

有虞氏官五十夏后氏官百殷二百

周三百凡四代之官魯皆兼之

孔穎達曰案太宰職諸侯惟有三卿五大夫故公羊傳司

徒司空之下各有二小卿司馬之下有一小卿是三卿五大夫也今魯雖得被褒崇何得備立四代之官當成王時褒崇於

魯四代官中雜存官職名號是使魯有之非謂魯得備其數

蔡叔度既遷而死其子曰

胡改行率德馴善周公聞之舉胡以爲魯卿士

錢大昕曰小司馬据尚書

蔡仲無仕魯之文又謂伯禽居魯乃在七年致政之後疑史公无所據予謂周公封魯在武王未歿以前公既畱相王室

必遣人往治之則當伯禽未之魯而使蔡仲以卿士治其國

何渠不可書云周公以爲卿士既非王朝之卿卽是仕魯之

證矣魯頌三壽作朋箋三壽三卿也疏老者尊稱天子父

稱室老諸侯之國立三卿故知三壽卽三卿也襄公十一年作三軍三軍者何三

卿也作三軍何以書譏何譏爾古者上卿下卿上士下士爲

置三卿官也卿大夫爵號大同小異方据上卿道中下故總

言三卿古者諸侯有司徒司空上卿各一下卿各二司馬事

任強臣國家內亂兵革四起軍職不共不推其原乃益司馬

作中卿官踰王制故議之徐彥曰古者司馬一官但上卿一
言軍者本以軍數置之
人下卿一人上士一人下士一人以其事省不作軍將故也
詩云乃召司徒乃召司空不見司馬故知司馬事省總監而
已然則司徒卿一人其大夫二人司空卿一人其大夫二人
司馬卿一人其大夫一人所謂諸侯之制三卿五大夫矣作
中卿官者謂於司馬內更作一卿官尊於小卿故曰作中卿
官也

太宰隱十一年羽父求太宰注天子六卿天官爲太宰諸侯則并六爲三而兼職焉魯三卿無太宰羽父欲魯特設
是官以榮已耳以後更司徒司馬昭四年季孫爲司徒叔孫
無太宰知魯竟不立之司徒司馬爲司馬禮弓孟獻子之喪
司徒族歸四布孔疏孟氏家臣司徒敬子左傳叔孫氏之司
馬駸駸是家臣亦有司馬司徒也又季孫使公鉏爲馬正注
家司隱二年司空無駸昭四年孟孫爲司寇文十八年
馬司空注司空舊勳是諸侯之法

司寇出諸竟臧宣叔武仲皆官
司寇顧炎武謂臧紇為小司寇

秦蕙田曰魯自成襄以後司徒司馬司空三卿常以季孟
叔三家居之而子叔氏臧氏亦以世卿見於春秋又如成
二年戰於鞍季孫行父臧孫許叔孫僑如公孫嬰齊四卿
並行其時尚有仲嬰齊仲孫蔑兩卿則魯亦有六卿但其
官名惟臧孫許知是司寇餘二卿則不可攷耳冉求稱孔
子為國老而孔子之卒書於魯史蓋昭定之世臧氏漸微
故以孔子代之崔氏以為小司寇者疑非然也

宗伯文二年夏父弗忌為宗伯注宗伯掌宗廟昭穆之禮
顧棟高曰諸侯不應有宗伯而周禮春官之屬有都宗
人掌祭祀之禮家宗人掌家祭祀之禮定四年傳稱魯公之
封有祝宗卜史杜氏解宗為宗人魯語哀姜至公使大夫宗
婦觀用幣宗人夏父展曰非故也章注宗人宗伯也則
魯之宗人亦謂之宗伯蓋其所掌與周官小宗伯同

春秋諸國皆不立宗伯或以為有禮事即轉小司馬為

宗伯如燕射之轉司馬為司正者亦無確據哀二十四年使宗人

魯夏注云宗人禮官疑即大宗之官

工正昭四年工正書服注左宰襄七年公鉏出為公左宰注

高曰魯有左宰即當復有右宰衛有右宰邑大夫文十五年

即當復有左宰然不知其所掌何職也邑大夫十人以告

注云邑大夫襄十年聊縣人昭四年縣人傳之注云縣人遂

人紇正義曰公邑大夫縣人昭四年縣人傳之注云縣人遂

人遂大夫而無縣人疑諸侯縣大夫即謂之縣人也

成二年衛新築人仲叔于奚注曰守新築大夫昭二十

一年宋廚人濮注曰廚邑大夫是邑大夫通稱為人也

隨正襄七年叔孫昭伯為隨正注隨正夫襄二十三年臧孫

夫隨正疏云隨正屬司卜大夫閔二年卜楚邱之父卜士

徒臧氏為司寇兼掌之

大典通考

卷五

古

桓六年卜士負之注行人文四年甯武子來聘使行人私焉

卜士之妻為乳母行人正義曰周禮大行人掌大賓之禮

大客之儀小行人掌使適四方協賓客之禮外史襄二十

諸侯行人當亦通掌此事故為通使之官外史襄二十

外史蓋魯亦立此官也按尚書諸侯得有內史則亦有外史

樂師襄二十八年使工誦茅鶚注工樂師二十九使工歌

師上士四人其下有音聲之屬鄭注云凡樂之歌必使瞽矇

為焉命其賢智者以為太師少師魯論有太師摯少師陽而

傳無之今案昭九年傳屠蒯酌以飲工而檀太史昭二年觀

弓以為師職是太師以下通謂之工也太史書於太史

疏云太史職掌書籍必有巫僖二十一年公欲焚巫覡注巫

藏書之處若今之秘閣巫僖女巫也正義曰周禮女巫職

云早暎則舞雩又周禮司巫國大早則率巫而舞雩鄭司農

引此傳為證又襄二十九年使巫以桃茢先祓殯注巫接神

之官周禮喪祝王弼則與祝史昭十七年祝史請所司歷二

巫前鄭司農引此傳為證祝史用幣太祝注見前司歷二

十七年司大匠襄四年匠慶謂季文工師定十年叔孫謂邱

歷過也大匠子注匠慶魯大匠工師工駟赤注工師掌

工匠圉人莊三十二年圉人之壯者是家臣之圉人也定司

之官圉人八年孟氏選圉人之壯者是家臣之圉人也定司

宮

昭五年司

虞人

定八年虞人

賈正

昭二十五年使臧會為

之賈師其職各掌其次之御駟

襄二十三年孟氏之御駟豐

貨賄之治此邱氏賈正也御駟點注駟是掌馬之官蓋兼掌

御士謂

御士書注公御士

魯有公御戎右莊九年秦子梁子以公旗辟於下道注

二子公御及戎右也又檀弓縣賁父御卜國為右亦其

類也左傳哀十一年管周父御樊遲為右則私家之御

及戎右皆以家臣為之哀十四年孫叔之車子鉏商疏

車車士王肅家語注云車士主校車者也此則大夫之

主車

饗人

昭二十五年季似與饗

府人

昭三十二年子家

宰

襄七年南

遺為費宰論語注原憲為孔子家邑宰顧棟高曰宰本家

臣之名而邑長亦稱宰正義曰公邑稱大夫私邑稱宰然昭

二十六年傳成大丈夫公孫朝私邑亦稱大夫哀馬正定十年入年傳王犯嘗為武城宰是公邑亦稱宰也

馬哀公三年桓僖災南宮敬叔至命周人出御書俟於宮注周

人司周書典籍籍之官子服景伯至命宰人出禮書注宰人冢御書近於君者也

校人乘馬巾車脂轄注校人掌馬巾車掌車公服文伯至命校人駕乘

車

周世樟曰侯國官制但有司徒司馬司空而無太宰宗伯

司寇牧誓酒誥立政諸篇皆同及攷左傳諸國皆有司寇

而魯有夏父弗忌為宗伯國語單子過陳篇稱宗祝執祀

司寇詰好似侯國雖無太宰而仍有宗伯司寇何也蓋侯

國本無此二官左傳所言乃東周諸侯之所添設也古者

天子一事設一官諸侯不能備官一人常兼二三事故崔

氏云司徒兼冢宰司馬兼宗伯司空兼司寇及東周時諸侯皆帝制自爲管仲以大夫之家而官事不攝況諸侯乎然三卿舊制終不可沒卽以左傳觀之子產入陳命司徒致民司馬致節司空致地杜洩謂季孫曰吾子爲司徒叔孫爲司馬孟孫爲司空皆三卿並列而不及宗伯司寇其爲添設明矣侯國無太宰惟宋爲王者後故有之若吳楚之有太宰僭也侯國之官但有宗人無宗伯其刑官但有小司寇及士師無大司寇侯國之有宗伯大司寇亦僭也王制三等之國皆有五大夫所謂五大夫者崔氏云司徒之下置小宰及小司徒司空之下置小寇及小司空司馬之下置小司馬也至於宗人並不在五大夫之列按成王

封魯分以祝宗卜史則宗人之秩蓋在卜祝之間

晉中軍謂之政卿卿一人佐一人上軍卿一人佐一人下軍卿一人佐一人新上下軍新中下軍亦如之三軍或稱三帥

成二年賜三帥先路三命之服或稱大夫宣十二年趙括趙嬰齊爲中軍大夫鞏朔韓穿爲上軍大夫荀首趙同爲下軍大夫僖三十三年以箕冀缺爲下軍大夫

晉自曲沃武公以一軍命爲諸侯閔元年獻公作二軍僖二十三年文公作三軍始爲大國之制二十八年作三行荀林父將中行屠擊將右行先蔑將左行杜預注曰晉置三軍今復增置二行避天子六軍之名三行無佐疑大夫爲之帥三十一年罷三行更爲上下新軍傳曰作五軍禦狄是也三十三年於五軍十卿之外別立

卻缺爲卿比於天子六卿且將倍之文六年舍二軍復三軍之制成三年作新軍杜預曰舊有三軍今增爲六軍十六年罷新上下軍新軍惟一凡四軍八卿鄭子展所謂八卿和睦是也襄十四年舍新軍左氏曰禮也成國不過半天子之軍自此終晉世不改

太傅大師

文六年太傅陽子太師賈佗孔穎達曰太傅尊於中軍之將與太師皆爲孤卿周禮上公之國孤一

人王制諸侯三卿晉侯爵也而有孤卿復傳昭五年傳有孤二人者晉爲霸主多置羣官不能如禮

向爲上大夫明此以上大夫爲傅也諸侯之有孤卿猶天子之有三公無人則闕故隨其本官高下而兼攝之衛冀隆不

意此意以士渥濁叔向等皆爲卿故爲太傅若大夫何得居

之任妄以難杜於義非也顧棟高曰晉置孤卿已僭

年士薦爲大司徒桓六年申繻曰晉以僖侯名司大司空莊二

司空注卿官司空文二年司空士穀注晉司空非卿也以穀能堪卿事故書成十八年右行辛爲司空

修士薦之法此以太司馬宣十二年韓中軍司馬張臣為中
夫為之非復卿矣厥為司馬預日中軍司馬晉上軍司馬定十三年上軍司馬籍素又襄
大夫之最尊者襄三年魏絳請又掌諸司寇襄三年魏絳請侯之賦司寇歸死於司寇

晉自廢司徒以後諸司皆為散職或以大夫為之成二
年注晉司馬司空皆大夫蓋軍中所置司馬若周禮軍
司馬與司馬之類司空主軍中營壘與齊銳司徒辟司
徒相等又國語以中軍司馬為元司馬上軍司馬為與
司馬在周禮夏官為下大夫上士而晉皆大夫則司寇
之職亦必以大夫為之非復諸侯三卿之例矣

元帥僖二十三年謀元帥使卻穀將將軍日知錄春秋傳晉
上軍太子申生將下軍是以有將軍之文而未以為名也至
昭公二十八年閻沒女寬對魏獻子曰豈將軍食之而不足

正義曰此以魏子將中軍故謂之將軍及六國以來遂以將軍爲官名蓋其元起於此公羊傳將軍子重諫曰穀梁傳使狐夜姑爲將軍孟子魯欲使慎子爲將軍墨子昔者晉有六將軍而智伯莫爲強焉莊子今將軍兼此三者淮南子趙文子問於叔向曰晉六將軍其孰先亡張武爲智伯謀曰晉六將軍又曰魯君召子貢授之將軍之印而國語亦曰鄭人以詹伯爲將軍又曰吳王夫差黃池之會十行一嬖大夫十旌一將軍禮記檀弓衛將軍文子之喪史記司馬穰苴傳景公以爲將軍封禪書杜主者故周之右將軍越世家范蠡稱上將軍世家令太子申爲上將軍戰國策梁王虛上位以故相爲上將軍漢書百官表曰前後左右將軍皆周末官通典曰自漢置大將軍楚懷王與秦戰敗楚虜其大將軍屈丐至漢定戎右桓三年韓萬御戎梁宏爲右僖御戎成十八以官名矣戎右二十八八年立舟之僞爲戎右御戎年傳疏周禮六御官之長別有戎僕掌御戎車春秋征伐之時以御戎爲重此御戎當是御之尊者其先恆有定員掌其卿御至悼公時始省其常員惟立軍尉之校正主馬之官屬於御官臨育軍事故兼攝之國語作戎御校正戎孔穎達曰周禮戎人不屬太御此蓋諸司士主右之官屬於車右爲尊此司右之

顧棟高曰卿御正義謂如梁餘子養御罕夷解張御卻克之類今案梁由靡始御里克復御韓簡是亦卿御也春秋時多公自將軍故有公御有卿御然晉將三軍將佐固當各有御右如鄆陵之戰韓厥從鄭伯其御杜溷羅曰速從之卻至從鄭伯其右蒯翰胡曰謀輅之余從之乘而俘以下厥是下軍之將至是佐新軍宣二年傳晉侯伏甲將攻趙盾其右提彌明知之是有卿御復有卿右也

乘馬御六駟成十八年程鄭為乘馬御六駟屬焉注乘馬御當周禮之僕晉語謂之贊僕當時之官名耳周禮掌駕之官無名駟者襄二十三年傳稱豐點為孟氏之御駟則駟亦御之類鄭云七駟謂趙軍尉成十八年立軍尉祁奚為中軍馬是為主駕之官軍尉尉又襄三年祁午為中軍尉國語以中軍尉為元尉上軍尉為與尉而傳自有與尉襄十

九年傳軍尉與尉皆受一命之服是也又襄三十年傳廢其
與尉正義曰服虔云軍尉與尉主發眾使民于時趙武將中
軍若是軍尉當是中軍尉侯奄成十八年張老為侯奄國
也則中軍尉亦稱與尉侯奄語作九侯注中軍侯奄也與
師侯正亞旅成二年注與師主兵車侯七與大夫侯伯七命
副車七乘疏每車一大夫主之謂之與帥襄二十三年七與
七與大夫服虔云上軍之與帥七人與帥大夫與之注七與
官名疏謂主副車之官也服虔云下
軍與帥七人故七與大夫與樂氏

七與大夫中有左行共華右行賈華時晉猶未置三行

則所謂左行右行者即魏詩所云公行耳

公族大夫

宣二年以其故族為公族大夫疏引孔晁國語注云公族大夫掌公族及卿大夫子弟之官成十八

年韓無忌為

餘子適子之母弟亦為餘子注餘子之政公行庶子為

公族大夫

庶子妾子也掌九宗五正隱六年翼九宗五正頃父之子嘉

率公之戎行

父逆晉侯于隨注唐叔始封受懷

姓九宗職官五正遂世為晉強宗家六正賂晉侯以宗器樂
五正五官之長九宗九姓為一族也

器自六正注五吏五吏三十帥注五吏文職三僕大夫錄日知

三軍之六卿六年韓獻子將新中軍且為僕大夫必言僕大夫者以君之

親臣故獨令之從公而入寢庭也沈欽韓曰僕大夫如王之

太僕掌復陶襄三十年使為復行人襄四年韓獻子使行人

內朝事復陶注主衣服之官行人襄四年韓獻子使行人

人子邑大夫信二十五年趙衰為原縣大夫襄三十年趙孟

縣師傳日以為絳縣師注縣師掌地域辨其夫家人民命大

夫哀四年使謂陰地之命大夫士箋注命大夫別縣監尹

大夫閑九年傳注卜史卜史哀九年占諸史趙史墨史龜古者

亦蒞其事王藻卜人定龜史占墨理官昭十四年士景伯如

是也故史趙三人並以占卜見理官楚叔魚驥理注士景

伯晉大理新序晉文公反太史宣二年太史書日趙盾弑其

理官大理國李離為大理太史君又董狐古之良史又昭十

五年辛有之二子董之晉於是左史哀十筮史注史蘇晉卜

有董史又藉氏司晉之典籍左史四年筮史注史蘇晉卜

筮之史又侯祭史昭十七年使祭史先用牲疑即祝宗文

獮貨筮史祭史史之類范武子祝史陳信於鬼神祝宗文

子使祝宗祈死祝史僕人襄三年魏絳授僕人執秩七年晉
祝宗皆大夫之家臣書注僕人晉侯御僕執秩七年晉
侯作執秩以正其官樂太師襄十四年師曠侍於晉
官注主爵秩之官樂太師侯注師曠晉樂太師
歌文王之樂正長也軍吏主師旅樂正主鐘鼓
注工樂人樂正長也軍吏主師旅樂正主鐘鼓
巫襄十八年小臣儋四年與小臣接賈公彥周禮疏諸侯小
梗陽之巫皋臣儋四年與小臣接賈公彥周禮疏諸侯小
奄士寺人儋五年寺小吏儋二十四年豎頭須守
之類寺人披伐蒲小吏儋二十四年豎頭須守
夫廩熊蹯不熟公羊傳作膳宰何休注主宰割甸人饋人十
穀膳者若今大官宰人又昭九年膳宰屠蒯甸人饋人十
年使甸人獻麥注主為公田者又饋人為之顧棟高曰周
禮甸師掌帥其屬而耕耨王籍以時入之王之同姓有罪則
死刑焉鄭注引文王世子公族有罪致刑于甸人則甸人即
甸師也襄三十一年傳甸設庭燎而周禮甸師帥其徒以薪
蒸役外內養之事此舟虞國語叔向召舟
甸人為甸師明矣舟虞虞注舟虞掌舟

論曰姬德日衰晉實代興自文公恃其匡復之功請隧
召狩弁髦王室天下莫之敢詰也其後設官命帥廢三

卿而爲大夫僭王制而作新軍卿則或六或八後乃衍爲十二考周之法侯國不得有孤卿而晉立太師太傅數且倍於天子之上公矣至于九宗五正授自先王所謂世臣大族與國終始者然自武公以後迄無聞家而創制改物陵蔑舊章率皆與文武周公之法相背而馳焉及悼平以降君德不競政出私門命卿雖多適爲禍本卒也韓趙魏之徒傾荀范滅智宗遂瓜分公室而有之大其都者耦其國披其枝者傷其心故曰諸侯僭天子大夫僭諸侯尤而效之又誰罪焉原晉之所以能强大者由其自立法制不襲故常而國以此始必以此終盜賊篡竊之智自謂人莫予加矣又烏知有從而擬議

其後者哉

宋司空

桓六年宋以武公廢司空注武公名司空廢為司城司城傳曰文公即位使司

徒文

十六年麟趾為司徒大司徒昭二十九年樂輓為司城徒當有少

司馬

桓二年孔父為司馬大司馬文八年殺大司馬公子

以官

程子曰宋王者後得自命卿故書願爰武曰大司馬

嘉為司馬

知大少司馬昭二十五年華右司馬非外儲見韓司

寇文

十一年大司寇成十年向為人為大司少司寇少司寇

又少司

左師僖九年魚氏世為左師右師文十六年華元為

欲代太宰

桓二年華少宰成十五年向帶為太宰魚父為少

國父為

太宰督為太宰少宰傳曰二宰出奔又襄十七年皇

宋立左右二師比於孤卿僖九年公子目夷為左師始

見於傳前此未有也顧棟高謂子魚以左師兼司馬而爲執政之卿理或然與襄九年傳使西鉏吾它府守注鉏吾太宰也府六官之典按周禮天官掌建六典與此相合朱子云二王之後得用天子制度故宋得備六官而秦蕙田氏乃譏宋以司寇爲卿出於僭擬殆未之深攷耶

里宰襄九年使伯氏司里注里宰疏司里謂司城內之民秦蕙田曰司里主營造土功之事蓋司空之屬杜云里宰非隧正爲襄九年令隧正納郊保注官名也五縣校正工正九年命校正出馬工正出車正義曰校正主馬於周禮爲校人是司馬屬官昭四年傳云夫子爲司馬與工正書服是諸侯之官司馬之屬鄉正襄九年使四鄉正敬享注鄉大夫孔疏有工正主車也鄉正其所職掌當天子之鄉大夫周禮鄉爲一軍宋大國不過三軍而有御士昭二十年華多僚門宦二四鄉者當時所立非正法也御士爲御士注公御士門宦

十二年門官殲焉正義曰門官門尹告急哀二十八年使門尹般

虎賁氏之屬師行在君左右門尹司門也帥甸文十六年使帥

得國語門尹除門韋昭注門尹司門也帥甸文十六年使帥

按周禮地官司門下大夫二人即此帥甸文十六年使帥

郊甸之帥疏云郊外為甸帥甸者甸地樂師襄十年桑林舞

之帥公侯邑之大夫也杜舉類言之樂師注樂師也周禮

箛師掌教國子舞羽司干掌舞器此舞寺人內師襄二十六

師即箛師司干之類非地官舞師也寺人內師襄二十六

牆伊戾為太子內師孔穎達曰內師身為寺司宮巷伯襄九

人之官公使之監知太子內事為內人之長司宮巷伯襄九

司宮巷伯微宮注司宮當天子之內小臣也大尹襄二十六

內宮之事孔疏司宮當天子之內小臣也大尹襄二十六

以達注大尹近迹人哀十四年迹人來告注迹人封人襄二

官有寵者也迹人主禽獸者即周禮地官迹人封人襄二

年呂封人華豹祝宗襄九年祝宗用馬於四墉注太祝宗宗

注呂邑封人官祝宗人又哀二十六年祝襄以載書告皇非

我注襄祝名周禮邑大夫莊十二年蕭叔大心注叔蕭大夫

詛祝注引此為證邑大夫名正義曰卿大夫采邑之長謂之

宰公邑之長曰大夫此宋蕭邑大夫也願炎武曰按大心

當是其名而叔其字亦非蕭大夫也二十三年蕭叔朝公解

日蕭附庸國叔名按唐書宰相世系表云宋戴公生子衍字

樂父裔孫大心平南宮長萬有功封於蕭以為附庸今徐州

六典通考卷五

三

蕭縣 襄二十一年褚師段逆是也褚師之杜預以爲市官

顧棟高曰文七年傳宋六卿和公室及哀二十六年傳六卿三族降聽政並以右師左師司徒司馬司城司寇爲六卿成十五年傳華元曰我爲右師君臣之訓師所司也是宋以右師爲政卿也太宰在六官之下而此傳云遂相宋公蓋非常制又案僖九年傳宋襄公卽位以公子目夷爲仁使爲左師以聽政於是宋治襄九年宋災傳樂喜爲司城以爲政正義曰子罕賢智故特使爲政齊任管夷吾魯任叔孫婁皆位卑而執國政哀二十六年傳司城爲上卿是宋亦有以左師司城執政者矣宋雖立六卿而無宗伯周禮小宗伯掌建國之神位大裁及執事禱祠于上下神

祇鄭注曰執事大祝及男巫女巫也小宗與執事共禱祠

春秋多祝宗並稱則諸侯之宗人當周禮小宗伯之職也

齊相莊九年管夷吾治二相史記世家以崔杼為右相上卿

有天子之二守國高在司寇成十八年慶封為大夫慶太宰

注國子高子皆上卿也司寇位為司寇齊之司寇非卿太宰

齊語桓公使鮑叔為三宰齊語臣立三宰注三宰鄉大夫齊

宰韋昭注宰太宰也三宰齊語臣立三宰注三宰鄉大夫齊

鄉士也韋昭謂鄉大夫也鄉帥縣帥齊語十卒為鄉鄉有鄉

五屬大夫齊語十縣為屬五屬故立五大夫五正齊語又立

長也正聽里有司齊語五十人為小戎里有司軌長連長齊

大夫之治里有司帥之又三十家為邑邑有司軌長連長齊

五家為軌軌為之長卒帥卒有卒帥工正莊二十一年公使

之司徒成二年傳注銳司徒主銳太史襄二十七年太史小

史南史執簡以往孔疏南史佐太史士官成十八年士華免

者常是小史也在南故謂之南史士官以戈殺國佐注士

者士官寺人襄二十七年圉人駕寺人奄士雍人有寵注雍人名

掌刑政寺人御注圉人養馬寺人奄士雍人

巫正義曰周禮掌食之官有內雍外雍此人為宰夫昭二十

雍名巫字易牙也又襄二十八年襄更以驚宰夫昭二十

率獻疏云宰夫掌漁監襄二十五年申劇侍漁者注侍漁監

賓客之獻飲食漁監取魚之官願棟高曰周禮獻人掌以

時獻為梁此侍漁虞人昭二十年齊侯田于祝史襄二十五

當周禮之獻人也沛招虞人以弓不至祝史年祝佗父

昭二十年祝固史歸服虞差車哀六年差車鮑點注差車主

云固齊太祝史歸太史也車之官素慧田曰大夫家臣

僕人杜注以次為舍如鄭之外僕掌次舍者齊侯伐衛先

驅穀榮御王孫揮召揚為右申驅成秩御莒恆申鮮虞之傅

擊為右曹開御戎晏父戎為右貳廣上之登御邢公盧蒲癸

為右啟牢成御襄罷師狼蓬疏為右肱商子車御侯朝桓疏

跳為右大殿商子游御夏之御寇崔如為右燭庸之越駟乘

顧棟高曰公御晏子曰山林之木衡鹿守之澤之萑蒲舟

曰御戎餘稱御

鮫守之藪之薪蒸虞侯守之海之鹽蜃祈望守之衡鹿舟鮫虞侯祈望

皆官也疏周禮司徒之屬有林衡之官掌巡林麓之禁此

置虞衡以守山林是也舟行水之器較大魚之名故以名官

周禮山澤之官皆名爲虞每大澤大藪中士四人數是少水

祭之因以祈望爲主海之官南邀爲大田隰朋爲大行東

皆齊自立名與周禮不同

郭牙爲諫臣王子成父爲大司馬弦章爲大理呂氏春秋

齊之官制內外傳所記甚簡略國子帥五鄉高子帥五

鄉是以上卿爲軍將猶周制也然管子所定一時之權

制耳非常法而澤立三虞山立三衡亦不必盡合周禮

鄭正卿襄二二年子駟爲少正襄二十二年使少正公孫僑注

爲卿知少正即卿官春秋之上卿襄二十六年傳注云上卿
時官名變改周禮無此名也
昭元年請于冢宰注冢宰子皮
在四十九年罕氏
常掌國政以爲上卿
冢宰顧棟高曰冢宰執政之美稱猶南

遺稱季孫爲冢卿士會稱薦太宰襄十一年太宰石葵如楚
放爲宰非鄭獨設冢宰之官程啟生曰太宰之官非鄭
所令正襄二十六年子太叔爲六卿襄九年鄭六卿公子驤
重令正令正注主作辭令之正六卿公子發公子嘉公孫輒
公孫薑公司徒司空襄十年子驤當國子國爲司司馬司寇
孫舍之昭十八年司馬司寇列居火道素熬田
日司寇與司馬並稱疑司寇亦卿也

顧棟高曰鄭六卿其名可見者司馬司空司徒三官襄二
年傳云子罕當國子駟爲政子國爲司馬十年傳云子駟
當國子國爲司馬子耳爲司空子孔爲司徒盜殺子駟子
國子耳子孔當國十九年傳云鄭人使子展當國子西聽
政立子產爲卿三十年傳云子皮授子產政曰虎帥以聽
誰敢犯子子產爲政是鄭卿最重者當國當國之下復有
爲政一人此二卿未知以何名命之子產以少正爲卿則

六卿之中當有少正又與宋六官不同名

門子

襄九年大夫門子注門子卿之適子疏周禮小宗伯掌三族之別其正室皆謂之門子鄭云正室適子也將代

父當

門者也是卿太史襄三十年使太史命伯石為樂師

之適

子為門子也太史卿昭元年使太史書其名

一年

師獨師獨十馬師襄三十年公孫鉏為馬師昭七年

五年

師箴師箴隱元年穎谷封人疏周禮封人掌為畿封而

昭二

年傳也封人樹之天子封人職典封疆諸侯封人亦然桓

十一年

祭宗人莊十四年原繁先人典司宗外僕僖三十三年

封人

仲足宗人襄二十四年原繁先人典司宗外僕僖三十三年

屯襄

二十八年傳注外僕掌次舍者執政昭十六年執政禦

昭十

三年子產命外僕速張于除執政昭十六年執政禦

者司

墓昭十二年司墓之行人襄三十七年使執訊而與之書注

執訊

通問宰夫宣四年宰昭公十八年公孫登徙大龜開

記之

官宰夫宣四年宰昭公十八年公孫登徙大龜開

卜大

祝史徙主祔于周廟府人庫人各徹其事商成公徹司

夫

祝史徙主祔于周廟府人庫人各徹其事商成公徹司

宮司

宮巷伯出舊宮人寅諸火所不及明日使野司寇各保

寺人

之官出舊宮人寅諸火所不及明日使野司寇各保

六典通考卷五

其徵縣士也疏謂司寇之官在野者周禮司寇屬官有縣士掌野知野司寇是縣士也縣士職曰各掌其縣之民數若邦有大役聚眾庶則各掌其縣之禁令知諸侯縣士亦當然也郊人助祝史除於國北禳火于元冥回祿

鄭在春秋初祭仲以天子命卿首專國政其後有上卿次卿屢見內傳六卿之名傳未盡詳大抵僭擬周制而爲之顧氏以少正當六卿亦無確據方子產執政百務更張左史稱其上下有章等威有辨至於官制之僭竊相沿已舊卒不能有所變革

衛殷民七族陶氏施氏繁氏錡氏樊氏饑氏終葵氏聘季

授土陶叔授民命以康誥而封於殷虛

陳傅良曰殷民七族實封康叔懷姓九宗

實封唐叔蓋世家大族禮法足以齊其家恩義足以帥其族正有國者所以爲治也

酒誥太史友內

史友

太史內史掌國典法所賓友

越獻臣百宗工矧惟爾事服休服采

於

臣百尊不可不慎況汝身

事順行美道服事治民乎矧惟若疇圻父薄違農父

圻父司

司徒身事且猶敬慎況所順疇咨之司

若保宏父定辟

宏父

馬平況能迫遇萬民之司徒平言任大

錢時曰

父司空當順安之司徒司空列國諸侯三卿先儒謂諸侯有太史南史晉有太史董狐魯有外史楚有左史諸

國並無內史則此太史內史皆殷之故臣故康叔視之為友

朱子曰

梓材汝若恆越曰我有師師司徒司馬司空尹旅牧誓所

言司徒司馬司空蓋謂克商時侯國之官故內則以冢宰敷

教而鄭氏以為諸侯並六卿為三故以司徒兼冢宰皆諸侯

也

詩子子干旌在浚之郊注旌于干首大夫之旌浚

也

疏周禮孤卿建旌衛侯國無孤當是卿也大夫者總

子子干旌在浚之都箋周禮建旗則州長之屬疏鄉射

從者執鹿中是諸侯之州長也司常云師都建旗州里建旗

縣鄆建旌注云師都六鄉六達大夫也州里州鄆鄉遂之官

六典通考

卷五

諸侯之鄉亦大夫故鄉飲酒目錄云諸侯之鄉大夫三年賓
賢與能之禮是鄉為大夫則遂亦大夫也縣與州長班同亦
是士也黨鄙則州縣下或亦為士鄧族以下大夫夙退母使
君勞然後罷禮書諸侯內朝路寢夫人聽內事於正寢大夫退
庶子掌之其官與天子異魯語曰天子及諸侯合民事於外
朝合神事於內朝自卿以下合官職於外朝合家事於內朝
然則卿大夫右宰隱四年右宰醜襄十四少師襄二十七年
亦二朝也右宰年右宰穀從而逃歸少師以公孫免餘
少為少師公使為司寇昭二十年奪之司寇注齊豹為衛司
卿少師非卿官司寇寇哀二十五年奪司寇亥政又僖二
十八年士榮為大司徒哀十五年司徒臧成二太史閔二年
士注治獄官也司徒哀十五年夏期為司徒太史閔二年
龍滑與禮孔二人曰我太史也實掌其祭顧棟高曰周禮
太史祭祀與執事卜日祭之日執書以次位常是太史掌祭
祀太師之襄十四年使太師掌樂巧言樂人注師曹請為之將軍檀
也衛將軍祝定四年傳注祝鮒太祝子魚哀占夢侯占夢變人
文子祝二十五年祝史揮注衛祝史占夢侯占夢變人
與卜人比周禮筮史哀十七年晉彌赦行人哀十二年褚師
占夢中士四人筮史占之注赦筮史行人行人子羽褚師

圖子驂乘昭二十年宗魯驂乘顧棟高曰封人論語儀封人
申周禮驂乘謂之陪乘即車右也
天子封人職典封疆
知諸侯封人亦然

檀弓衛有太史曰柳莊疾革公曰社稷之臣也與之縣
邑命子孫無相忘古者臣有大功世其官邑不知柳莊
于衛何功也論語直哉史魚集注云史官名或是太史
柳莊者意史魚之徒與漢武帝稱汲黯為社稷臣以其
守節不屈則莊之居官可知矣

陳司馬襄十七年司徒昭入年司徒司馬司空
司馬致節司空致論語孔注司敗官名陳大夫正
司馬故正其眾官司敗義引杜注云陳楚名司寇為司
刑之官芋尹哀十五年芋尹蓋孔穎達曰芋草名楚
夫也日知錄昭八年與嬖袁克殺馬毀玉以葬解以與為眾非
夫也真嬖嬖大夫也言與者掌君之乘車如晉七與大夫之

周語單襄子假道於陳侯不在疆

侯侯人也掌
迎賓客也

司空不

視塗

司空卿官掌道路

膳宰不致餼

膳宰膳夫也掌賓客之牢禮

司里不授

館

司里里宰也
掌授客館

陳有四官而曠其職故單子譏之又史

記索隱司徒招一作召使楚見殺

楚令

尹莊四年令尹闔祈文王時彭仲爽莊二十八年子元
三十年子文僖二十三年成得臣二十八年蔣呂臣

是二年十

三年子伯卒成嘉爲令尹宣四年颺般
子越譖殺般而代之十一年蒍艾獵成二年子重襄二

蓮子

辛丑年子襄十五年公子午二十一年子南二十二年
馮二十五年屈建二十九年王子圉昭元年薳罷十三

三年
年公

子墨肱是年棄疾卽位子旂爲令尹十七年陽句二十
囊瓦定六年子西哀十六年沈諸梁兼令尹司馬是年

令尹國

1

楚以令尹執政最爲貴卿左氏所記凡二十八人惟彭

令尹國

令尹國

楚以令尹執政最爲貴卿左氏所記凡二十八人惟彭

仲爽申倂也餘皆出於王族如子文叔敖之類賢能尤著其以驕淫敗者不過數人傳稱惟楚有材又曰楚能官人信矣論語正義曰令尹宰也周禮六卿太宰爲長遂以宰爲上卿之號楚臣令尹爲長從他國之言或亦謂之宰宣十二年蔣敖爲宰是也令善也尹正也言用善人正此官也

左尹宣十一年右尹成十六年右尹子辛襄十九年鄭子革爲右尹程啟生曰子辛子重俱以貴介爲左右尹出將重兵其後並爲令尹則左右尹蓋亦楚之尊官襄公以後漸用羈人稍矣王尹昭二十七年王尹康服虔云王尹主宮工尹文稍降矣王尹內之政孔氏曰王尹未必然定本王尹作工尹年王使子西爲工尹注掌百工工正宣四年爲工正或之官又昭十九年楚工尹赤工正云工正工尹一官也秦惠田曰子西以工尹名見於經則工尹爲楚卿宮廐尹昭元年官矣檀弓稱工尹商陽商陽乃下士與此異

廢尹子哲又二十七環列尹文元年潘崇掌環列之尹注太

師文元年潘太宰成十年太宰子商孔穎達曰楚太宰少宰

文十二年楚少宰如司馬僖二十六年大司馬襄十五年

晉師注少宰官名如司馬僖二十六年大司馬襄十五年

馬司馬左司馬昭三十一左司馬稽司徒文十一年以授司

一人左司馬昭三十一左司馬稽司徒文十一年以授司

矣左司馬昭三十一左司馬稽司徒文十一年以授司

文十年歸死于司敗顧棟高曰論語有陳司封人文十一年

敗楚亦有之蓋陳楚相近故設官相效也封人文十一年

疏封人主造地邑計度人數周禮封人縣公侯縣公注楚

大司馬大役與慮事注慮事者封人也縣公侯縣公注楚

縣大夫皆僭稱公楚有息公子朱申公巫臣期思公復遂申

公壽餘葉公諸梁白公勝商公子西蔡公棄疾皆縣公也與

年棠君尚注齊長子尚為棠邑大夫莫敖桓十一年莫敖患

穎達曰官名臨時所作莫敖之徒並不可解故杜皆不連敖

強解之按戰國策有莫敖大心莫敖子華皆以官為氏連敖

史記韓信為連敖索隱引李奇大伯莊十九年楚人以

云楚官名又引張晏曰司馬也大為大關謂之大伯莊若

今城門校尉官疏周禮地官之屬有司門下大夫二人掌司

授管籥以啟閉國門若今之城門校尉主王城十二門司

宮昭五年楚子欲以韓起為闔羊舌肸為司宮願棟高曰

人之上記曰深宮固門闔寺守之是闔與奄寺雖不同皆以

刑人而掌近職又昭七年傳楚子為章華之宮無宇之闔入

馬而宋亦有司馬之侍人齊有崔子卜尹先佐開卜使為卜

尹開卜哀十八年傳注觀郊大夫昭十三年王奪成然亦使

司樂大夫定五年以鍾建為冷人成九年鍾儀冷人也注冷

世掌樂官故世正僕定十三年蔡公因正僕人殺太子祿注

名樂官為伶官正僕定十三年蔡公因正僕人殺太子祿注

大夫左史相右史哀十七年右領昭二十七年鄂將師

馬官昭二十七年帥都君子與王馬之屬昭二十七年鄂將師

也涓人國語涓人有復除者王馬之屬昭二十七年鄂將師

師左傳費無太師哀十七年楚子問太傅史記伍奢為太傅少

日知錄春秋列國官名若晉之中行宋之門尹鄭之馬師秦之不更庶長皆他國所無而楚尤多有莫敖令尹司馬

太宰少宰御事左史右領左尹右尹連尹鍼尹宣公四年有鍼尹克

黃哀公十六年有寢尹工尹卜尹芋尹陳有芋尹蓋藍尹沈尹

清尹騫尹蹕尹陵尹郊尹樂尹宮廐尹監馬尹揚豚尹武

城尹其官名大抵異於他國宋有褚師而鄭亦有之昭公二年子皙請以印爲褚師

服虔云連尹射官言射相連屬也孔氏不然其說沈尹

或作寢尹寢縣也見文十二年傳注楚武王克權使闔

緡尹之遷權於那處使闔敖尹之蓋亦縣尹之類或主

其事或官其地大抵因時立名耳又魯有左宰周人晉

有執秩饋人宋有大尹齊有左相皆他國所無

吳行人始於巫臣子狐庸在成七年伍員司馬哀十一年孫

從司馬注從少司馬國語攝少命茲與士五太宰論語正義

二國上大夫稱太宰諸國雖有太宰非上大夫鄭云是吳太

宰也左傳哀十二年吳子使太宰嚭請尋盟公不欲使子

貢官帥國語行頭皆官帥注官帥大夫也韋昭曰此將軍吳

對旌一將軍注命卿也下大夫國語十行一嬖大右校夫差

史記吳世家將軍孫武下大夫夫注嬖下大夫也右校夫差

使太宰嚭為左校王孫駱客卿吳越春秋專諸之子拜為

右校司馬為左校客卿吳越春秋專諸之子拜為

吳越春秋巫臣子狐庸由行人為吳相任國政蓋吳之

諸官以行人為最貴雖重臣如子胥終老此秩不復別

遷

越五大夫舌庸苦成文種范蠡相國范蠡文種上將軍范蠡

踐世越語宦士三百人入事吳國若宦豎然前馬前驅在

家三百人入事吳國若宦豎然馬前也

日知錄越語勾踐身親爲夫差前馬韓非子云爲吳王洗

馬洗音銑淮南子云爲吳兵先馬走

原當作吳王

荀子天子出

門諸侯持輪挾輿先馬賈誼新書楚懷王無道而欲有霸

王之號鑄金以象諸侯人君令大國之王編而先馬梁王

御宋王驂乘滕薛衛中山之君隨而驅然則先馬者馬前

引導之人也亦有稱馬洗者六韜賞及牛豎馬洗廩養之

徒漢書百官表太子太傅少傅屬官有先馬張晏曰先馬

員十六人秩比謁者先或作洗又攷周禮齊右職云凡有

牲事則前馬注王見牲則拱而式居馬前卻行備驚奔也

又道右職云王式則下前馬是此官古有之矣莊子黃帝

將見大隗乎具茨之山張若謂朋前馬

秦風既見君子寺人之令

寺人內小臣也與者則諸侯之官

疏燕禮小臣亦應小

臣傳君命此說國君之禮使寺人傳命者天子

右大夫

說成

備官故外內異職諸侯兼官外內共掌之者

詹襄十卜人倍十五年秦伯伐晉卜徒父筮之注秦之掌龜

占而

昭元年和

五穀大夫

百里

上大夫

楚叔

左傳僖十五年秦始征晉河東置官司焉注不詳其官

名秦本紀載三帥自殽敗歸復官秩如故亦不言所任

何官左傳成十三年有不更女父襄十一年有庶長鮑

皆秦官名詳爵命考

曹風彼侯人兮荷戈與矍彼其之子三百赤芾

侯人道路送迎賓客者言

賢者之官不過侯人芾韞也大夫以上赤芾乘軒疏周禮天子之官侯人是上士下士諸侯之侯人亦應是士此說賢者乃身荷戈矍謂作侯人之徒屬非侯人之官長也天子侯人之徒百二十人諸侯侯人之徒數必少於天子其職云侯人

各掌其方之道治與其禁令以設侯人注云禁令備姦也以
設侯人者選士卒為之引此詩彼侯人兮倚戈與殿是其徒
亦名為侯人也曹為伯爵大夫再命是大夫司城哀七年使
以上皆服赤芾於法又得乘軒故連言之司城公孫彊為
司城以聽政程啟生曰司城宋官曹不應有蓋豎信二十
曹後衰弱奉宋之政令已久其見滅於宋宜矣豎信二十
伯之豎侯儒注隨少師桓六年使戎右八年獲其蔡司
豎通使命者隨少師董成戎右八年獲其蔡司
馬襄八年公子西號祝應宗區史莊三十二年注祝太
馬二十八年子朝

秦詩奉時辰牡箋謂虞人也則秦有虞人之官陳詩夫
也不良傳夫傅相也正義曰師傅當以輔相人君故云
傅相則陳有師傅之官曹詩傳大夫以上赤芾乘軒而
公羊氏乃謂曹無大夫殆臆說爾

春秋繁露大國立一世子三卿九大夫二十七上士八十一
下士亦有五通大夫立上下士上卿位比天子之元士今八

百石下卿六百石上士四百石下士三百石夫人一傅母三伯三丞世婦左右婦三姬二良人各有師保世子一上傳丞士宿衛公者比公者比上卿者有三人下卿六人比上下士者如上下之數夫人衛御者上下御各五人世婦左右婦上下御各五人二卿御各五人世子上傳上下史各五人丞史各五人三卿九大夫上士史各五人下士史各五人通大夫士上下史各五人卿臣二人此公侯之制也次國立一世子三卿九大夫二十七上士八十一下士與五通大夫五上士十五下士其上卿位比大國之下卿今六百石下卿四百石上士三百石下士二百石夫人一傅母三伯三丞世婦左右婦二良人二卿人各有師保世子一下士一作傳士宿衛公

者比上卿者三人下卿六人比上下士如上下士之數夫人御衛者上下士御各五人世婦左右婦上下御各五人二御各五人世子上傅上下史各五人丞史各五人三卿九大夫上下史各五人下士史五人通大夫上下史各五人卿臣二人小國立一世子三卿九大夫二十七上士八十一下士與五通大夫五上士十五下士其上卿比次國之下卿今四百石下卿三百石上士二百石下士百石夫人一傅氏三伯三丞世婦左右婦三良人二卿各有師保世子一上下傅士宿衛公者比上卿者三人下卿六人御衛者上下御各五人世婦左右婦上下御各五人二御人各五人世子上傅上下史五人三卿九大夫上下史各五人士各五人通

一作五

大夫上

下史亦各五人卿臣三人此周制也

按董子所述小國次國皆三卿與周禮王制不

合

論曰柳子厚言有里胥而後有縣大夫有縣大夫而後有諸侯有諸侯而後有方伯連帥眾勢積於下故一尊成乎上未有子焉孤立而可臻於理平者也古者大侯受封不過五百里比於後世纔一郡縣之地然其輔佐繁多等列差別故在開國胙土之日必有世家大族與國同休戚其或退居燕閒之地常有左右論諫爲君效耳目至于出入使令建節宣力號爲奔走後先禦侮之材者又不可殫數也國君之視羣臣如其一身羣臣之視國事如其家事民之遠在數百里外者不獲覲其君

則時見其臣水旱疾苦無有隱鬱而不達刑獄輕重無有頗僻而不得其平又非直此而已鄉遂之吏各掌徒役而徵發之令不煩閭井之人並出車乘而攻戰之資素備卽有奸宄異類出于其世則屏諸郊遂納諸圜土務使其畏罪改操而後已故三代之盛天下累數百年未嘗有非常暴起之變流血丹野之禍豈非君自私其國人而臣各戴其君上之效乎後世以郡縣理天下大者兼地或盈數圻守令之才不必皆賢其爲僚佐者丞尉司馬三數輩而已師友賓客非可共腹心之謀僕從徒隸非可寄耳目之司守令端坐拱默於上而百姓顰蹙怨歎於下養之旣失其方教之又無其具走

暴刑虐政以相督迫于民已自謝無過矣其或災沴傷
和流移滿野則相顧束手而歎曰此天數非人力也吾
不知昔之設官何爲乎吾又不知今之設官何爲乎蓋
自秦漢至于今且三千年天下有小康而無盛治非獨
郡縣有司之才多不肖亦由國家所以設官理民者簡
略而不詳省察而難周也